



59969

kat.komp.

III

Med. St. Dr.

P

ensis

Fest. 5433.

Sydomske Joannis Theatrum Marianum



Biblioteka Jagiellońska



stdr0003075



# THEATRVM MARIANVM.

QVOD

Ex prolixissimâ DEI & HOMINIS, in suam  
Castissimam Matrem, voluntate,

*In nemore*

LEZAYSCENSI

AD

Varias hominum sortes depellendas expositum,

*Et multis Miraculis spectandum,*

Assiduis beneficiorum & gratiarum

personat Scenis.

A

M. IOANNE BYTOMSKI, Philosophiæ Doctore, Eloquentia  
Professore, Canonico Otycensi, ad publicam lucem

ex luco per expressam Superiorum voluntatem

productum,

Anno à Partu Virginis M. DC. XLII.



CRACOVIAE,

In Officina Andreae Petricouij, S. R. M. Typographi.

†



# INSTEMMA


Fundatissimæ Familiae.



59969

*It ratis, & cursu pertentat in aequore fluctus,  
 Aduersos unquam nescia ferre Notos.  
 Credita testatur Patria sibi pignora nostra,  
 Et sobolem Themidis, deliciasq; Ducum.  
 Ista suam Regni metitur sorte salutem,  
 Est quæ OPALINIAE conscia cymba Domus.*





ILLVSTRISSIMO DOMINO,  
D. LVCAE DE BNIN  
OPALINSKI,

Supremo Regni Poloniae MARSCHALCO,  
*Lezajscen: Rubiesowien: Kolen: Kamionacen: &c. &c.*

CAPITANEO,

Domino & Patrono Amplissimo. S. & P.

**T**HEATRVM MARIANVM, in quo, quid  
MARIAE nomen possit, quidue per MARI-  
AM in genus humanum impluat, frequen-  
tissimis spectatur beneficiorum & gratiarum  
scenis; rudi, gratâ tamen & piâ sermonis  
formâ, ad legentium cognitionem, ad præ-  
sentis ætatis letitiam, ad futurorum temporum notitiam, publi-  
co expositum aspectui, Tibi ILLVSTRISSE DOMINE de-  
dico, atq; consecro. Quidni Tibi? ut qui nascenti huius THE-  
ATRI Fama pennas addidisti: dabis Tuo favore posteritati ad  
describendum hunc locum, velociorem & facundiorum cala-  
mum. Tu, ut Fama libere de hac cœlestis tituli arenâ loquere-  
tur, animasti eam, & ut haberet ad loci commendationem ap-  
paratum, prouidisti: quin immo teneram adhuc & pubescen-  
tem, Tuo patrocinio erexisti, recreasti, excitasti. Neque verò  
hoc THEATRVM fastigiatis & latè patentibus tabulatis spa-  
tiosum; non delectâ comicè agentium personarum frequentiâ  
spectandum; non crudis oculis expositum est: sed aditu facili,  
euentu felici, effusâ Dei liberalitate gloriosum. Habet Orbis,  
quod in hoc THEATRO spectet, nostròq; Polonia Regno ad alia-  
rum gloriam felicitatum, hanc vel nobilissimam, quòd hoc  
(quanquam & alia tacere non poterit) THEATRO MARIANO  
inclarescat, non inuitus addat felicitatem. Miratur in eo tot



Diuina liberalitatis edita spectacula : suspicit, tot votis supplicantium hominum presentem affuisse MARIAM: dicit egregio & magnifico Tuo, ILLUSTRISIME DOMINE, sumptus, excitatam fabricam, cum multis alijs, de gloria, de magnitudine, de nobilitate, domicilijs certare; nulliq; de suo in moliendo apparatu, in conficiendo artificum numero, in consistendo maiestate, in ornando venustate velle cedere. Ipsa verò posterorum, ventura etas, quàm erit disertâ? quæ simul atq; beneficium loci agnouerit, multosq; eius ope ac nomine solutos periculis, è luctu & morbo recreatos censuerit, ac euictam malorum cohortem cōscripserit: Tuam gloriam in hoc religionis insigne, velut in sinu quendam, collectam adorabit, in eiusq; intuitum omnes Tuorū meritorum ac virtutum adumbratas imagines desiget, earumq; se in hoc THEATRO MARIANO præbebit spectatorem. Felix es, ILLUSTRISIME DOMINE, tanto muneris & honoris genere, ut ubi humana, non personatos, nec laruatos, sed ex MARIAE ope, verè in se susceptos, induet vultus fragilitas: ibi Te ipsum, Tuam deuotionem, Tuos dignos & generosos spiritus, non ad popularis aure nundinationem, sed ad Tuū in Dei Matrem, inq; ipsum Deum conceptum studium exhibendum, præbes contemplandos. Cum huius THEATRIGloria, officij; cum eius commendatione, obsequij; cum felicitate ipsius, religionis Tuae spectaculum coniunxisti. Nimirum, Tuam ad summa huic regno datam mentem, non eò tantum excitasti, ut in Theatro Reipubl: suam consilij, grauitatis, prudentiæ, sapientiæ, diligentia, industria, fidei, constantia, fortitudinis ostendat indolem; sed etiam in deuotionis THEATRO, Tuae deuotionis, quam ex rectâ ineuntis ætatis institutione expressisset, personam susciperet. Indignum putasti, ut in hoc solo, quod Tuis meritis à patria tributum est, alij pietate ac studio luderent; solus Tu quiesceres, & taceres, nec ad egregiæ deuotionis exhibendum specimen prodires. Multorum solatio ex hoc loco exportato, Tuam liberalitatē adiecisti, & primus in hoc THEATRO tum acceptā gratiā, tum impensā munificentiam lusisti. Quin Tuum Gentilitium stemma ad hæc Virginis Diuinissima mania, iniectā fidei & pietatis anchorā, admonisti, ut Nauis hac, quæ Tuae Fundatissima Domus est infi-



est insigne, hanc solam in hoc turbulento vita statu suspiceret Cynosuram. Videris mihi hac auitâ & gloriosâ Naue, lapides, quorum aestimatio maior quàm illius velleris aurei, ad hoc magnificum Templi opus deuexisse, ut Tibi, Tuâq; Familiae tutissimum excitares propugnaculum; defensionisq; contra omnes insultus erigeres municipium. Congessisti in hanc omnia, quibus Tui Maiores, præsensq; de B N I N virorum atas, atq; adeò Tuum, nomen illustre est, ornamenta: reuocasti, inquam, qui est huius Navis honor atq; cultus, sub vnum aspectum & sellas Curules, & Clauas Imperatorias, & Lituos MARSCHALCALES, & Mitras Episcopales, & arma spoliâq; Equitum: ut defuncti cum aterna O P A L I N I O R V M gloria honores, cum ad eam felicem speculam accederent, pretium suum & dignitatem augerent. Expertam se Polonia testatur, ex hac Familia prodeuntium virorum, in consilio prudentiam, in legationibus fidem, in bello industriam, in pace comitatem, in religione promouenda studium, in ciuium bonis tuendis laborem: & quòd se liberalem semper in ornandis ijs præstitisset, ingeniosam se ac felicem gloria- tur. Quæ enim fortuna fuit Reipublicæ vnquam, quæ Tuos, Teq; ipsum ILLVSTRISSE DOMINE, non exerceret? quod fuit aliquando turbatis Regni rebus tempus, in quo Tuorū, Tuiq; ipsius virtus & ingenium non probaretur? quid est, quod non Tuam, Tuorumq; exploraret humanitatem? Viuit in Ecclesijs memoria: superstes est in sinu & gremio patriæ gloria: manet in ciuium vindicatâ salute opera: viget, eternumq; vi- gebit, in literarum Academicarū excitatis exedris nomen O P A L I N I O R V M. Quocunq; hac felicissima Navis suum conuertet cursum, vbiuis locorum gloriosa, felix, nobilis audiet: nusquam prouehetur, ut non famam inde referat: nullo in loco consistet, ut non boni ominis & nominis vocem accipiat, suorumq; splendorum viuum recipiat testimonium. Omnes eam aduersantium animorum astus verebuntur, nec spumantis inuidiæ in eam iactabunt fluctus: cum gloriose per hoc Imperij Poloni THEATRVM fecerit profectionem, & ad ruborem insurgentes Lauernarum, motus conuerterit, superiorq; omni nefariâ liuoris molitione semper euaserit. Nunquam hac in publico, virtute, fide, diligentia,



tanquam fidiſſimis Remigibus, prouecta Cymba non eſt verſa-  
 ta, nec ſua diffidens gloria, in obſcuros ſe unquam deducebat ſi-  
 nus: pericula Reipubl: motus domeſticos, procellas Ciuiles, ſibi  
 pro Theatro, in quo ſuam conſtantiam, laborem, integritatem,  
 probaret, ſtrenuè proponens. Et verò ne Curialis tantum lucis  
 conſpectu fruereſtur, etiam ſe ad THEATRVM religionis promouit,  
 in quo ſuorum deuotionem, & in rem Diuinam animos experi-  
 retur. Satis gloria, ſatis Tibi ILLVSTRISSIME DOMINE viuis,  
 cum in utroq; tam Politico, quam Catholico, pro dignitate ver-  
 ſaris THEATRO. Cenſuit iam Nobilitatis Polonæ THEATRVM  
 Tuos auſus, Tuam virtutem notauit, Tuam fidem dilexit, Tu-  
 os conatus ſuſcepit, Tua merita ſera poſteritati committenda or-  
 nauit. Qualem verò Te hoc LEZAYSCENSE THEATRVM cogno-  
 uit, Tua pro Te, apud Te, apud venturā etatem de Te in hunc  
 locum collata, diſertiſſimè loquentur beneficia. Immo Tu ipſe  
 hanc Scenam ingreſſus, Orbi loqueris Te acerrimum religionis  
 vindicem, Cælo teſtaris, Te felicitatis æterna dexterrimū Athle-  
 tam, qui in hac exercendarum virtutum arena egregie mentis  
 contentione exſudans, in illud, quod mereris & ſperas, Prytane-  
 um Cæleſte, ornatus auctuſq; ſerò diſcedas. Et quoniam hunc  
 felicem Lucum ſpectandum feciſti, cum Tuo ſe Auguſtiſſimo  
 Nomini inſinuat; patrocinio, qui operā & ope illi non defuiſti,  
 à me publica expoſitum luci, foueas: & me Tue gloria ſpectato-  
 rem, tam liberali, quam ego Tuarum virtutum admiror inſi-  
 gnia, voluntate amplectere, precor: quem ut diu Eccleſiæ, Pa-  
 triæ, Ciuibus, Familia, Literis, huic Virginis Caſtiſſimæ loco, ſer-  
 uet Deus incolumem, mei eſſe muneris cenſebo, ſupplicare.

Illuſtriſſimæ Celfitudinis Tue

Seruus & Cliens,

M. Ioannes Bytonski, Philoſophiæ Doctör,  
 Ordinarius Eloquentiæ in Collegio  
 Academico Otycenſi Profeſſor, Cano-  
 nicus Collegiæ Otycenſis.



# PROLOQVVM

A D

BENEVOLVM LECTOREM.

**M**Oris est Theatrorum instructoribus, & ludorum præfectis, totam futuri spectaculi seriem, sub vnum aspectum multitudini hominum spectandi gratiâ effulorum, proponere. Hinc vel Imaginum rei agendæ in tabula non minù ingeniosè, quàm compendiosè expressam exhibent: vel in quendam sinum collectos tractandarum Scenarum tractus contrahunt, legendosq; Auditoribus offerunt: vel succinctos præmittunt prælocutores, quorum officio & præsentis negotij ratione edoceant, & tædium atq; fastidium animis eximant, & dignitatem actionis commendent, quæ facile omnes ad huiusce rei tribuendum tantum, quantum postulet, tempus, deducat. Idem mihi Tui gratiâ, Lector humanissime, faciendum visum est, vt qui THEATRVM MARIANVM Tibi, Tuisque ad spectandum paraturus essem, hoc vulgari & communi genere metri, ad cognoscendum & intelligendum, humani commodi susceptam Diuinæ gratiæ molitionem sum complexus. Leges pro Tuâ in MARIANVM nomen pietate, in me humanitate, measq; literas officio, lætus: tantiq; pro Tuâ prudentiâ beneficij gratus Deo manebis, & cognito spectaculi merito, ad agendam supplicis personam, ad eam sacram Arenam, si necdum fecisti, excurreres. Fidem dabis, hostes Matris nostræ Ecclesiæ Romanæ confundes, MARIAM celebrabis, Deum obseruabis, meum laborem à Lauernarum vibicibus defendes. Vale.

*Canat LEZAYSCVM gloriam,  
Et voce laudet Virginem,  
Ex qua redempta, prouidus  
Author, salutis prodijt.*

O Sylua



O *sylua* felix ! fertilis  
 O *sylua* ! dic laudes *Tuae*  
 Quae Te reuisit Hospita ,  
 Suisq<sup>3</sup> pressit calcibus.  
 Nec ora , nec vultus , faces  
 Nec clariores luminis  
 Videre poteras , nec vice  
 Maiore dignari *Nemus* !  
 Producis umbras arborum  
 Fesso viatori utiles :  
 Non hoc Tibi nomen dedit  
 Insigne tota *Lechia*.  
 Focis alendis proficis ,  
 Cum subministras stipitum  
 Sarmenta ; frondes deijcis ,  
 Quas curiosa plebs legat :  
 Concedo. Sparge largius  
 Umbram peregrino *Tuam* ;  
 Et colligenti suffice  
 Frondes inanes rustico.  
 His namq<sup>3</sup> copijs Tuis  
 Syluestribus , caelestium ,  
 O *sylua* felix ! munerum  
 Nobis vocasti gratiam.  
 I rumor , auras verbera  
 Segnes ad istam gloriam ,  
 Et voce gentes ultimas  
 Ad *Virginis* laudem excita.  
 Dic : Norma *Virgo* virginum  
 Et Mater *Aeterni Dei* ,  
 Dignata per lucum suo  
 Inisse *LEZAYSCI* pede.  
 Quid ? Hic ubi saltus rigent ,  
 THOMAE MICHALKONI , anxie ,  
 Vita leuanda gratia ,  
 Arbusculorum mortuos



Ætus legenti cum prece,  
Laboriosus quam Deo  
Inter labores, fundere  
Simul solebat impigrè,  
Ter visa Virgo, splendida  
Vultu, colore, vestibus,  
Totoque cultu corporis,  
Adstante grandævo sene.  
Dignata rusticum suo  
Sermone. Simplici viro  
Hæc, quæ stupenda sentimus  
Agenda, mirum! credidit.  
Nobis iuvandis commodum,  
Hunc Virgo prædixit fore  
Locum, sui demum addidit,  
Templum futurum, Nominis.  
Ad Oppidanos Consules,  
Hunc Virgo fecit nuncium,  
Indigna passurum mala,  
Tormenta, verba, verbera,  
Custodias, satellitum  
Vim, compedes, vinctas manus  
Ferro, potest vel insuper  
Quicquid scelus consingere.  
Sed multa sumpseris licet,  
(Virgo refert) nil senties,  
Fallesque custodum fores,  
Virtute protectus meâ.  
It, paret, atque nuncium  
Agit futurorum. Suis  
Non creditur verbis, fides  
Negatur, ut rebus novis.  
Non cessat: hortatur, loci  
Non neglegendam gratiam:  
Occasione perfrui  
Debere tam piâ monet.



Intrat domum Proconsulis :  
Quacunque vidit edocet :  
Ac veritatem prouocat,  
In nuncij sui fidem.  
Multum datum est verbis. Opus  
Fervet LEZAYSCI Cuium,  
Vt luce primâ Crux Dei  
Passi, labore surgeret.  
Plebs grata tanti maneris,  
Perosa cultum civilem,  
Deuotioni rustica  
Se deuouet, siliis vacat.  
Iniqua, WYSSOGROD putat,  
Plebis pia certamina.  
Dat frana, dementans equo,  
Et supplicansem corripit  
Plebem, flagello amens crepat,  
Diris, & oppido vouet,  
Et Concionis principem  
Quærit: repertum verberat :  
Trahi iubet : duci secus  
Equum suum, quo infederat.  
Quicquid furoris cogitas,  
THOMAS id omne sustinet.  
Praeses Sacerdotum fuit,  
Visum scelus resistere.  
Vt quisq; certauit prece,  
Sic quisq; certauit fugâ.  
Idem regressus omnium,  
Sed exitus dispar fuga,  
Nam ceteros sui lares  
Habent auiti transfugas :  
THOMAS tenetur carcere,  
Opprobrio rependitur  
Nascentis institutio  
Deuotionis, ô scelus !



✠✠✠

# T H E A T R V M M A R I A N V M.

**M**Agnum quidem, pium tamen, & fidelem, qui in beneficijs maximè solet perspicui referendis, grati & memoris animi obsidem, video me esse ingressum laborem, A. O. Cum enim id, quod Deus in Templo famâ & miraculis insigni ad LEZAYSCVM erecto, per Virginem MARIAM operatur, agendum oratione suscepi: audacia facti, poterit apud quosdam nomine temeritatis esse suspecta; ipse verò conatus, qui recto consilio assumptus cum laude commiscetur, vix mihi reprehendendus videtur. Nec verò putet aliquis, me hîc cum Isocrate, quem timiditas in dicendo inutilem faciebat, decem millibus mercari audaciam? nec vesano eiusdem impetu aliquam à me quæri victoriam vllus præsumat; cum ea soli bello prosit, alteri vulgari rei nullam præbere soleat vsum: sed qui laborioso Professionis fungor munere, subsidio mihi paratâ diligentia, etiam inijs, quæ vt meritò magna sunt, magna esse censentur, conari præclarum existimo. Satiùs est Auditores, vt gratus aliquid dicam, quàm ingratus tantam loci LEZAYSCENSIS dignitatem, cum per otium & Vota hominum licet, infami suppressam silentio. Nihil de ea, quæ salutis hominum Authorem Deum Castissimo gessit vtero, dicentem, mea me, vt potè qui eiusdem humanæ felicitatis ætate & beneficio fruor, conditio; & quiduis adeundi facultas per talem impertita Virginem, nisi eam de mereri neglexero, coargueret: aliquid tamen in publicum afferre, & vestrûm omnium, atq; adeò totius orbis fortuna, & priuatarum mearum rationum cogit atq; iubet necessitas. Est quod consoletur me in tam singulari, & eximio negotio, cum ea mihi dicendi materia oblata sit, quæ eam rem, cuius non solum ad me, sed etiam ad omnes, commoda possunt defluere, in omnium producit aspectum, orbiq; id, quod felix illa suspicit area, manifestè declarat. Semper ego à Superis optabam, & ex animo precabar, vt ei aliquando Virgini, quæ ætatis meæ tyrocinia inter Musas agi, tractari, informari, institui, consumi debuisset aduertit, in puluere scholastico sudantem clementer habuit; inter longas dierum noctiumq; curas, & vigilas somnum excussit, tædium amouit, feruorem auxit, & utrâq; panathæneorum lauru in comitijs Academicis (quæ sua in me fuit benignitas) ornatum sustinet, in Olycensis Lycæi exedris facilitatem, constantiamq; laboriosæ Professionis conditionem arrepto animo

impe.



impetrat: huic inquam tantæ, tamq; munificæ Virgini, & Patronæ literarum mearum, fructum aliquem studiorum meorum afferrem. Immo verò hæc quæcunq; in me est, quæ vt esset aliqua semper laboravi, dicendi vis, non tam Troporum schematumq; in quibus totam Oratores posuerunt sermonis dignitatem, & orationis contentionem, præsidio, quàm Deiparæ disertè intercedentis pro meo bono & dicendi laude, singulari ope succrescit. Et, si referendæ gratiæ magna semper habenda est ratio, vt id, quod cuiusquàm munere acceptum sit, non frustra oblatum appareat: providendum semper mihi fuit, ne hac principe ingressa & suscepta disciplinæ meæ ratio, nomine ingritudinis me aliquando notaret. Quod si ea, quæ de eius loci origine & nobilitate ad me delata, studiosè intellecta, & accuratè cognita sunt, non eo, quo in tantæ rei gravitate longè dignius alia contenderent ingenia, studio in omnium aspectum essem producturus: non arbitrabar tamen in tanto laboris instituto mihi esse diligentiam meam pertimescendam. Multa sæpè homines patriæ faciunt amore, & nullum est ita arduum negotium, quod non is, in quo vagientes fletum expressimus, ludentes fictiles vrbes excussimus, quem hausimus, cepimus, præsimus, ac, tametsi vitæ ipsius discrimen immineat, ineundum suadeat: me meus, quem duodecim ab hoc Virginis Beatissimæ domicilio distinguit lapis, natalis locus, nisi tantum mihi in succisuias reseruâsem horas priuati, quod tamen ad publicam spectaret notitiam, studij meritò increpâset. Quid verò mea hæc ætas, quâ hic MARIANVS locus honorificentissimè apud me audit, mihi suggerit aliud, quàm vt loci gratiam, & egregio excitatam opere Basilicam, Conuentûsq; toti Orbi spectandam fabricam, suis definiam encomijs, & quæ fuerint sua incunabula incrementaq; exponam. Admiremini mecum A. tantum loco huic diuinitus datum beneficium, & me de tanto Virginis in nos officio dicentem, LEZAYSCI, atq; adeò totius Poloniæ felicitatem, suspicientem humaniter excipite. Faciam, vt omnes, quæ origo, qui cultus, honor, fortuna, gratia LEZAYSCENSIS deuotionis, quæ hominum de ea existimatio, quæ fides, quæ gloria sit, intelligant; & Diuæ Matris ac Virginis, pro tantæ rei gravitate, nomen & studium iuuandi homines, iustis ac debitis officijs prosequantur.

Et si multa & graua sunt, Dei Optimi Maximi munere ac beneficio, in humanum genus liberaliter effusa, Aud: O. quæ non minus corpori ornando, quàm animo supra cælestes Ordines, quæ maxima ipsius felicitas est, extollendo, & vsu, & naturâ suâ obseruiunt: hoc tamen maximum est, tum ad felicitatis nostræ possessionem certius adeundam, tum ad vitæ huius, quæ brevis eaque incerta est, suffragia o-



gia opemq; fidelius implorandam; quòd Dei Matrem Patronam nobis datam agnoscamus, colamus, obseruemus. Plurimum Deus nostræ consuluit sorti, cùm saluos esse nos voluit, humanum hoc & infirmum corpus assumpturus: cùm indignissimâ suâ morte, perditissimorum hostium, qui in salutem nostram impunè bacchabantur, & insolentius inuolabant, manifestæ audaciæ vim atquè conatus, funere, ac exitio horrendos compressit: cùm nos ex asse hæredes postliminio reuocatae patriæ, & meritis nostri Seruatoris referatae, pronunciauit: cùm nobis ad omnes armorum & hostium incursiones obtundendas, fortem & validam Pacem dedit suam, reliquit Pacē: sed cùm Cynosuram hanc nostro æstuum ac procellarum pleno alto præfecit, hæc omnia beneficia singulari beneficio cumulauit. Et enim si accessio hæc, quam Deo acceptam grati referimus, & animum gloriose eleuamus, bonorum, quibus fruimur, grata & iucunda est; quâ id, quòd faciles simus in ijs adeundis, Duce & sospitatrice habemus, eius ipsius nomen & authoritatem à nostris alienam, censebimus commodis? Inuenit hanc Deus dignam, quæ & talem genuisset Filium, & hominum, quin perirent, & metu conciderent, fuisset subsidium. Quippè, quoniam nostræ conditio vitæ, nutanti & lapsuræ similis arbori, ac fluctuantem, & iam iam perituram naufragio per omnia referens nauim, assiduus agitur malis & periculis: cùm talem sortita est Helicen, sperat se in portu felici, & optato lætum, daturam Celeuma, nec tali ac tantâ Patronâ Præsidente, se suaque ad exitium peruentura importunum. Et certè nostræ menti cælitus quidem haustæ, sed limo terræ depressæ, pronitate in malum sauciata, noxarum sibi conscia, aditu Dei Maiestatis deprecandæ trepidanti, nisi à misericordia Dei, eius interuentio & patrocinium contigisset, cuius preces apud Deum Filius non finit esse irritas, à spe aliquid impetrandi facile excideremus. Est quod nobis, Aud: O. gratulemur, est quod nobis gaudeamus; talem enim nacti sumus Patronam, quæ vltro nos ad pietatis, continentia, iusticiæ Christianæ disciplinam inuitat, sponte suam opem confert, & nobis aliquando nihil de Deo, nihil de salute animi cogitantibus, & in vitiorum consuetudine inueteratis, implorat cognitionem errorum; immerfis mundi lenocinijs, memoriam poenarum; desperatis, spem & fiduciam suggerit fidelem; ad scelerum deponendam sarcinam comiter exhortatur. Non desunt quidem nobis, ab ipso etiam Deo, ad virtutem amplectendam, ad enormitatem vitæ, & feritatem morum relinquendam inspirationes, quibus animus noster, conscientia scrupulo stimulante, pungitur, & sollicitatur: hæc tamen, vel quia tardè, quod est ignauia, obsequimur; vel quia penitus, quod temeritatis est, ne-



est, negligimus; vel quia defixi alijs negotijs, non attentam occultis Dei monitionibus præbemus mentem, differimus, experimur de nostrâ salute *MARIAM* impensè sollicitam. Cum enim prospiciat nostram vsque adeò fragilem esse naturam, vt ipsa se viribus, ac operâ suâ, non possit erigere; ita multa nobis insidiari, vt cuniculis malorum vix explicari liceat; ita mutationum formas frequentes obuersari, vt nulla supersit ratio, quæ tantæ vicissitudini rerum subuenire valeat: nostris illa rebus tantò studiosius prospicit, quantò minora nobis à natura parari, ad euadendum, videt præsidia. Felices nos, qui ad omnium temporum, & locorum, pericula remouenda, calamitates auertendas, hanc ipsam, quæ concordî piorum animo, spes certa miserorum, leuamen oppressorum, Mater Orphanorum, medicina infirmorum, anchora salutis audit, Virginem & Matrem facilem inuenimus! Sed eò huius Virginis gloria & maiestas, grauior & amplior est, quò non hominum tantum necessitati, sed etiam spirituum, ab omni contubernio corporis secretorum, amplian-dæ dignitati præsidet. Nimirum supra Choros mentium beatarum euectam, & cum glorioso corpore in felicitate illâ æterna, quâ omnes beati perenni æuo perfruuntur, in splendoribus meritorum constitu-tam, atque adeò hunc, in quo mortalem adhuc nos vitæ stationem, agimus, & temporalia stipendia meremur, Orbem calcantem & sus-picientem, eaque, quibus nos gloriamur, & summo studio ac solli-citudine conquirimus, liberaliter disponentem, omnium demùm excedentem prærogatiuas, alicui ita deesse, vt se ab ea desertam iu-re queri possit, nefariè putabimus? Næ frustra id, quod huius tan-tæ, ac tam immensæ Diuæ ope se destitutum luget, & spiritu hoc communi fruitur, & suorum computat momenta dierum. Quis enim est in tanto rerum humanarum motu, qui hoc in scopuloso vi-tæ statu, ad ipsam præsentis funeris speciem allisam nauim, suisque se resoluentem compagibus, à naufragio liberet, ac quominus pere-at, secundam post naufragium tabulam supponat? qui obsessores viarum exanimet? qui efferatos animos, & ad cædem paratos emol-liat? qui tectis subiectos propè iam ignes, circumdatosque, restin-guat, idemque gladios è vaginâ eductos retundat, mucrones hosti-um à iugulis nostris reijciat? qui omnium periculorum metu soluat officiosius, quàm hæc, qua de agimus, Virgo? Huius nos gratiâ, operâ, ope, consilio, sollicitudine eorum omnium, quæ nostram ap-petunt salutem, incredibilem vim ac tempestatem euadimus: huius summo erga humanum genus amore, quidam nostrum ex flamma, alij ex ferro, plerique ex hostium carcere, plurimi ex faucibus fati ereptos, nonnulli se conseruatos profitentur. Neque verò tantum  
positum



positum est in rebus, quibus tenerrimè apud nostros blanditur sensus, fortuna, adiumentum, quantum in vnus huius præsidio situm locatumque, nostra sentit Panegyris. Tu agris, tu ædificijs, tu argento, tu familiâ, turebus omnibus ornatus, & copiosus sis: & contra omnem vim sceleris ac malorum, subsidio tibi hanc non compares Virginem, es mihi inops, turpis, mendiculus, perditus. Cum enim ab hac & Angeli gloriam, & bonæ animæ felicitatem, & Vibes propugnaculum, & Imperia patrocinium, resque omnes consistendi rationem, modò eam expetuerint, accipiant: tibi illa vni, inter tot formas mortis afflicto, imbecillo, præsentem se non laturam testaretur auxilium? Anselmum audi: & tuam in id, quod maximum & vtilissimum est, induces mentem, & fidelissimum Virginis præconem ex orationis contentione aduertes: *O fœmina, inquit, mirabiliter singularis, & singulariter mirabilis, per quam elementa renouantur, Angeli redintegrantur, inferna enervantur, homines saluantur! O fœmina plena, & semper plena gratiâ, de cuius plenitudinis exundantiâ, respersa resultat omnis creatura! O Virgo benedicta, per cuius beatitudinem benedicitur omnis creatura, & non solum creatura à Creatore, sed etiam Creator & creatura laudatur! O MARIA dulcissima, semperque beatissima, si omnis peccator ad Te conuersus, & à Te conspectus, impossibile est, vt pereat.* Quid? etiam ipsis elementis nouam quandam sufficit, nostræ salutis Assertrix, formam & speciem: etiam ipsis Angelis nouæ perfectionis accessionem producit; etiam ipsi inferno, inferni que improbissimis Ciuibus, languorem, ac roboris defectionem imponit: nedum ipsi homini eam, cuius vindicem fortissimum integerrimâ suâ gestauit aluo, salutem importat, impetrat, amissamque restituit. Felix ætas, quæ talem, ac tam munificam tulit Viraginem? sed magis est felix tempus illud, quo se ad leuandos animi & corporis defectus, & quasiuis maleferiatorum abigendas impetitiones, hæc eadem liberaliter inclinat? Quoties nos hanc benignam, quoties hanc Patronam experti sumus? Quot nos hostium tela, ita coniecta, vt vitari potuisse non viderentur, paruâ quadam declinatione, eius consilio, curâ, & prouisione, effugimus? Nihil suscipiendum putat, nihil agendum suscipit, nihil molitur, quod nobis non conducat in tempore. Quoties iam, quoties iam extortum est telum de nostrorum hostium manibus? quoties eorundem sica excidit, & quasi casu aliquo excussa, quoties elapsa est? quoties in conseratas malorum acies, & horrendas tempestatum species, ipsasque funestæ mortis imagines, indiscreto & ferali infortunio abacti, supplices manifestam non explorauimus suffragantis Diuæ præsentiam? Non se in commercium & societatem felicitatis, quâ nostra nunc



ætas gaudet, ingerat vetustas; non habet, quo certet cum nostra  
 fortunâ, cum nec habeat, quo nouercantis fortunæ, vel effugiat, vel  
 retundat fatales ictus. Cuius certâ vtatur operâ, & cuius auxilium,  
 suis adesse votis impigrè sentiat, cuiusvè præsentî gloriatur Numine,  
 non inuenit. Suis illa delubris, ne quicquam, res, fortunas, familiam,  
 clientelas, salutem, vitam custodiendam, defendendam committe-  
 bat: cum supersticiosam aggressa deuotionem, votorum suorum ir-  
 ridendam confingebat rationem. Quin ipsis illis veteribus & sum-  
 mis viris, tantæ vanitati infestis, mouerunt ronchos, & incitârunt  
 stomachum, fictilium Deorum imagines. Cum in Samotraciam ve-  
 nisset Diagoras, & quidam ei amicus dixisset: Tu, qui Deos putas hu-  
 mana negligere, nonnè animaduertis ex tot tabellis pictis, quàm  
 multi votis vim tempestatis effugerint, in portumque salui peruene-  
 rint? Ita fit, inquit: Illi enim nusquam picti sunt, qui naufragium  
 fecerunt, & in mari perierunt. Felix est nostra Polonia, (hanc mihi  
 solam liceat nunc vsurpare, cum nomen Patriæ sacrum haberi sole-  
 at, quanquam nihil oblit inclamare; Felix est totus Orbis) quæ MA-  
 RIA Prælide, omnium locorum pericula non veretur! Montium  
 præruptas fauces in præcipitium inclinatas, ratio suadet metuen-  
 das; est Præses Montium, in Monte Claro, nostra Diua: fluminum  
 vorago, & volubiles vortices corporibus infensi sunt nostris; est Præ-  
 ses, quam ripa Sokaliensis fluuij impensè veneratur: horror arborum  
 & ferarum syluas ingredi vetat; est Præses, quæ nostrâ ætate, ex salti-  
 bus arenosis, arenæ multitudine locupletior & beatior Virgo, LE-  
 ZAYSCENSI peripheriæ sese obtulit, & veluti Polona Diana, apros  
 conficere, vrsos cedere, Leones, nostrorum potius animorum leno-  
 nes improbissimos, perditissimosque latrones prostrernere potens,  
 Polonæ prodijt genti. Neque verò me quisquam putet superstitioni  
 veterum annuere, cum etiam Polonis (qui ab omni superstitione ab-  
 horrent, & veræ fidei lucem cum MIEGISLAI luce susceperunt,  
 susceptamque nullâ gentilitatis obscurant caligine) Dianam esse præ-  
 dico: Analogiam nominis vsurpo, non veterum errorem sequor,  
 qui Præsidentem sylvarum Dianam Deam fecerunt, Deoque ipsi debi-  
 tum ac meritum honorem, supersticioso tribuerunt figmento. No-  
 bis non ea vis animo, nec tanta superbia mentis, vt pro arbitrio, &  
 fucatâ quadam religione, simulachra nobis Numinum cōfingamus:  
 nec Dianam Deam, nec MARIAM Deam appellamus; vtrumque  
 fidei nostræ repugnat, vtrumque supersticiosum est: sed Dianæ nihil  
 ex hoc, quod ei ab antiquitate tributum est, concedimus; MARIÆ  
 omnia, exceptâ Diuinitatis opinione, & appellatione, tantò lubenti-  
 us referimus, quantò certiori nos vnum esse Deum naturâ, distinctū  
 personis,

Bruslib:  
 7. ca. 15.

Anno D.  
 966.

Virg: 1.  
 An.



personis, fides edocuit argumenro. Fecerit sibi pro arbitrio antiquitas, Urbium, & Regnorum Præsides Deos: fuerint sibi multæ, pro errorum & rerum multitudine, Deæ, præfecerit alias mari, alias continenti, in sylvis domique alias, & in dies pro more suo nouas confinxerit Deas, suorum pellices Deorum. Felicius multò nostrum est sæculum: quod & maris fluctus, & terræ obsidiones, & sylvarum latrocinia, & æris intemperiem, huius vnus Diuæ ope & præsidio euadit, eludit, declinat, moderatur. Hac sociâ & Dominâ, omnium locorum & temporum pericula restinguimus; nec nobis est alia quærenda ratio, quâ vel proficere in bonis, vel in Diuinam ingredi gratiam possimus, quàm ea ipsa, quam Deiparæ beneficio habere, si modò voluerimus, possumus. Cui hæc, in mari naufrago, aut quouis in alio periculo de fuit? quis eius implorans opem à conspectu exitij simul & sepulchri, quod sibi vndarum motus aperiebant, saluus non euasit? quis vnquam æris inclementiam & pestilentiam regionis, Urbis, Colonix alicuius, Deiparæ munere auersam non sensit? Erat triste tempus, quo grauissima pestilentix vi inualescente per omnes Romanæ urbis partes, feralis grassaretur lues, omnia funestaretur, tristis lachrymantium & dolentium esset facies, perpetuæ Cenotaphiorum eminent moles, atrati aspectum deterreret parietes, passim lucerent sepulchrales faces, monumeta hiarerent, omnia luctu, squalore, sordibus repletur, & repentini amicorum ac sociorum excessus quereretur, nec sufficeret defossa, morietium numero, sepulchra. Dolor & tristis tantarum rerum aspectus suffecit consilium, ut quoniam id, quod in pulcherimam illam urbem & domicilium totius Orbis funesto inuectum esset spectaculo, suis ciues peccatis inuitatum, sentirent & viderent: eius patrociniū, quæ humanas agere apud Deum causas consuevit esse implorandum censerent. MARIAM omnes approbarent inuocandam, & tanti mali furorem per MARIAM deprecandum. Summus Urbis & Orbis Præsul D. Gregorius, pro ea, quam perrenni successione accepit in Ecclesiam autoritate, publicam instituit supplicationem, in qua Imaginem purissimæ & integerimæ Virginis efferri & præferri iussit, ut quo die CHRISVS resumpto suo glorioso corpore suæ Genitrici & suorum discipulorum agmini sese exhibens, cōsternatos eorum recreauit animos: eodem deuotioni huic decretæ, ad suæ Matris vota, ad sui afflicti populi supplicationem, conuersus tanta & tam tristi urbem contagione solueret. Atq; hoc deuotionis institutum, omnis effusa populi Romani multitudo, tantò studiosius obuiuit; quantò maiori calamitate in dies affligeretur, & minorem suorum suspiceret numerum. Quæ certè ita consentientium animorum deuota panegyris, tantum suis præstitit officijs, ut illam in lu-



gubri diminutione sociorum & calamitate Reipublicæ institutam deuotionem præfenti Deus mox comprobaret auxilio. Quid? illi suæ Matris Imaginẽtalem impressit virtutem, vt quacunque ferretur pestilentis cœli grauitatem fugaret, ac optatâ aëris salubritate fecundaret. Ad quod leuandis aëreâ inclementiâ corporibus ita liberaliter impertitum beneficium, accessit Angelorum faustâ acclamatione, & quasi gratulantium, Resurgentisquẽ CHRISTI gloriam deferentium, suauiter in aures influens paramytheticon:

*Regina cali latere, Alleluia.*

*Quia quem meruisti portare, Alleluia.*

*Resurrexit, sicut dixit Alleluia.*

Præfenti beneficio D. Gregorius recreatus, & diuino Spiritu afflatus subiunxit illud, quod nos deuotè frequentamus: *Ora pro nobis Deum, Alleluia.* Odolor! quàm potens es in consilio! vno plus efficacis ictu, quàm millium armorum assequerentur labores: immò tibi satis diserta est minima quæquẽ castigatio, quã vtilem insufurras disciplinam. Tuo nisi quis paruenit ingenio, nec suarum rerum Patronum, nec salutis vindicem, nec virtutis obsidem, nec periculi assertorem vllum, ad se tuendum, seruandum, colendum, declinanduq; inuitabit. Sed hoc mihi afflictis animis officiosior es, quò frequentius ad primum discriminis aspectum, deuoto gregi IESVM & MARIAM inuocandos offers. Nescio enim Aud: O. quĩ id fieri soleat, quòd cum aliquod aut virtutis, aut vitæ imminet latrocinium, nobisque manifestam salutis, & gloriæ, casus intēpestē obortus, minatur iacturam, quasi quodam interiore animi motu & suasu admoniti IESVM & MARIAM inuocamus. Absint consertæ acies, quæ à nobis hostile reijciant ferrum: nullam nobis spem funestum euadendi periculum hominum præsidia & vires inferant: insensos omnium experiamur animos, nec vlla res sit, in qua tutò nos saluos ac integros reponamus; ab omnibus relinquamur, omnia subsidium nobis deneigent, & nihil sit, quod inpericulo casuue aliquo arripiendum & suscipiendum videatur: non tam hæc pro rei opportunitate à nobis expetentur, quàm vnicum salutis tuendæ præsidium IESVS, & eius Diuinissima ac sanctissima Genitrix. Summa vis, in vtroquẽ hoc nomine, seruandi hominis posita est: maximum nobishæc duo Nomina, ad quorum recordationem, quid quod ad præsentiam? totus contremiscit infernus, & omnium excedit copia malorum, suppetunt adiumentum. Et verò si naturæ nostræ rationem inspicere voluerimus, vt quæ facilitate suã toties in Deum delinquere soleat, erigere se & colligere vires non audet: facilitatem suam in peccando, facilitate adeundi Beatissimæ Virginis opem, compensat. Nam si inter nos



ter nos discrimen animorum & sexus datur, vt non eodem omnes feramur studio & ducamur officio, nequē comparem natura omnibus subueniendi aut deferendi importet in dolem; mollem dicimus aërem mulierem; virum vi & viribus præstare loquimur; à viro Catonicum speramus rigorem & crudæ Virgam censuræ; in muliere si non auxilium & vires, lacrymas certè, nostro malo elicitas, inuenimus promptas & faciles: profectò, quoniam IESVS & MARIA cõsortium humani corporis æquo iure susceperunt, meritò in difficili & graui aliquo infortunio MARIAM, tanquam iuuandis nobis paratiorē & faciliorem, imploramus. Induit quidem humanitatem Deus, vt sibi hominem supplicem & voti compotem faciat, & suā præueniat gratiā: nobis tamen, Augustissimæ ipsius Maiestatis splendor, pium incutit terrorem, quo aditu tanti Dei, in quem desiderant Angeli prospicere, prohibemur. Nostrā causā id fieri solet, quòd Diuinum adire aspectum non audeamus: nos ipsi vitiorum oppressi mole nihil in nobis inuenimus tale, quod Deum ad impertiendam nobis veniam & gratiam prouocare possit. Mereri vitā & virtutibus opus est, vt cælestium bonorum potiamur: merita conciliant Deum, ac munificentissimam eius aperiunt manum. Vis excidere gratiā? iacta tua merita. Merita habere cures, habita data noris: fructum speres misericordiam Dei. Et quoniam difficile sit statuere, quo apud Deum sit numero aliquis nostrum, præsertim inter tot humius vitæ ac viæ pericula, & in eo incolatu, in quo sufficit ad meritum, scire, quòd non sufficiat meritum: eorum nobis subsidio paramus opem, qui hanc mortalis suæ stationis emensi arenam & luctam suorum momenta meritorum cælo exposuerunt; vt non suā, sed CHRISTI nobis bona exhibeant. Quæ enim beneficia Diuorum Diuorūquē suffragio referimus; ea omnia CHRISTI sunt: nec quicquam ab ijs petimus, quod non à CHRISTO efflagitetur, qui in singula quidem momenta nostris impensè prospicit rebus; ad plura tamen votis nostris offerenda beneficia non nisi nostris precibus vel suorum ciuium meritis & suffragijs adducitur. Nihil aliud à Sanctis expectamus, nihil aliud speramus & postulamus, quàm quod à Deo nobis impetrant, vel quod per eos impertiri & elargiri Deus ipse dignatur. Meritis suis nihil tribuunt Sancti: totum non nisi misericordiæ tuæ tribuunt, ô Deus, contendit D. Augustinus. Et si amicorum hominumue magnorum fauores ac benevoli animi affectus assequimur citius, cum non ipsi petimus, sed plures nobis in societatem votorum adiungimus: *Quoniam multorum preces, impossibile est contemni*: nos certe cū præsidio nobis cælitè, quorū preces plus valent, *quàm arma*, cõparamus, ipsoꝝq; obtestamur fidē, cum pluribus rogamus,

August:  
in Ps. 31.  
Bern.  
serm. 58  
sup. Ca.

Bernard.  
ser. 68.

D. Aug.  
Ps. 139.

D. Amb.  
de pati.  
D. Chr.  
de leu.



gamus, quo fit, vt facilius postulata obtineamus: quàm si ipsi preces fuderemus, & quæ non profut singula multa iuuat. Reus erat maiestatis apud Saulem patrem Ionathas, suæ preces eum morte certissimâ non eripuissent; quem tamen liberauit oratio prostrati ante Regem totius exercitus. Liberauit populus Ionatham, vt non moreretur. Patitur se Deus vinci, & obrui numero comprecantium, & multiplicatis intercessoribus largitur vniuersa, immo quantò digniores, siue meritis gratiaquè validiores ac fortiores votorum nostrorum socios habemus, tantò liberalius & gloriosius impetrata possidemus. Qui fit, Cassiodorus inquit, ordine vel dignitate primus, debet esse meritum laude præcipuus. Cum verò omnium sit apex & compendium gratiarum, ipsi què Deo situ propior, meritis superior, dignitate prior alijs Diuis omnibus MARIA: huius solius nomen in periculosis ac pænè desperatis quibusquè rebus implorantes, cum singularis Diuinæ gratiæ accessione & præsentia, omni eam loco, omni tempore subesse, adesse, prodesse lætamur. Dixerim, non satis eum rationis compotem, qui ex locupletissimo fonte sitis pellendæ causa nolit depromere aquam, vndarum potius indigos exquirat puteos: nemo est in hac rerum complexione, ita sui oblitus, vt non ab hac fecundissima virgine impetratis & depromptis opibus tristem depellere velit sortem. Quis, siue aliquâ calamitate affectus, siue in prosperâ vitæ statione constitutus, non vnâ sibi hanc, tanquam certissimam velificationis suæ anchoram teneat, suscipiat, obseruet? Omnium, hæc Virgo, insedit animis; quia omnium inseruit salutis: omnes in se conuertit affectus, quia sæpè optatos precibus impluit effectus: omnium bonorum impertiendorum illi ratio commissa, quia omnium donorum est facta compendium: nulla est aduersitas, quam non leniat opportuno beneficio; neque enim vlla est in ea gratia, quæ cuius impar sit aduersitati. Conspirent in te variorum cruciatus morborum, nec vlla tibi salutis tuendæ supersit ratio: non Machaonis exposce manus, sed huius, quæ suo felici partu grauem nostrorum animorum infirmitatem sustulit, require antidotum; dicto, mihi crede, citius infessos vis morbi artus faciet desertos. Terreant te imbrium fulgurumquè tempestates, serena tibi affulsura nubes ad imploratam Virginis opem. Impetum emissitij agant oculis, eductisque è vaginâ gladijs in tuum desæuiant iugulum, viarum montiumquè obsessores: concident animis, nec quam intenderunt prædam ex te recipient, modò huius, quàm teterrimus archipyrata & sæuissimus insidiator animorum, vt castrorum aciem ordinatam, reformidat, Reginæ cælestis fidem obtesteris. Deducant te sylvarum errores, & obscuri saltus, ad ferarum cauernas, & inter apertas Leo-

num vr-



num vrforumquè fauces constituent: hæc te Sospitatrix conspectif-  
 simo eripiet periculo, rabiemquè fatietate, immanitatem lenitate  
 conditam, in tuam consentire salutem præcipiet, nisi suum à te ne-  
 glectum agnouerit nomen. Si criminum immanitate (suus Bernar-  
 dus ad te) turbatus, conscientiae fæditate confusus, iudicii horrore,  
 perterritus, barathro incipias absorberi, tristitiæ & desperationis a-  
 bysso, MARIAM cogita, MARIAM inuoca. Et alias in periculis,  
 in angustis rebusquè dubijs non recedat à corde, non recedat ab ore.  
 Hanc cogitans, non erras: rogans, non desperas: sequēs, non deuias.  
 Hac tenente, non corruis: protegente, non metuis: duce, non fatiga-  
 ris: propitiâ, peruenis. Et sic in te experiri poteris, quàm meritò di-  
 ctum sit nomen Virginis MARIA. Huius excellentiâ Virginis, Di-  
 onysius Areopagita altissimo mentis intuitu cōtemplatus, omnium  
 rerum copias, virtutum Imagines & exemplaria, ornāmēta honestæ  
 mētis, omnes animi cultus, omnem probitatis apparatus, splendo-  
 rem internarum facultatum omnem, & quæuis alia præclaræ indo-  
 lis decora & gratiarum sementes, in eâ solâ, tanquam in aliquo o-  
 mnium bonorum fâsce, inclusas & comprehensas agnouit. In quo-  
 rum tantorum & tam frequentium bonorum, vnus Virginis com-  
 plexu ac sinu exceptorum, admiratione defixus; parum absuit, quin  
 aliud docente fide, humanitate Virginem exutam, Diuinitate insi-  
 gniret. Nisi (exclamat prædictus Doctor) vnum esse Deum scirē,  
 MARIAM non putarem hominem. Quò illum deduxisset stupor  
 indolis MARIANÆ, nisi fides Orthodoxa à tam sacrilego passu re-  
 uocasset! quantū Virginis authoritati & existimationi dedisset, nisi  
 Deo plurimum & salutis suæ (quam sola fides illius ipsius initium con-  
 iuncta operibus eleuat) derogatum iri sensisset! Cedant canæ super-  
 stitionis commenta nostro tempori: quod Iuno nubentibus, Bello-  
 na dimicantibus, Diana venantibus, Minerua sapientiam colenti-  
 bus, Amphitrite nauigantibus, antiquæ illius ætatis hominibus pro-  
 fuisse fabulatur; hoc nostra, longè certiori & meliori modo, vnâ,  
 omnibus nobis quiduis agentibus, Patrona, & vindex nostrorum a-  
 cerrima malorū, importat. Nequè verò ita hoc accipiendū, A.O. vt  
 MARIAE numine & potestate, nostræ res suam resumere soleāt speci-  
 em & vigorem: sed MARIÆ precibus & votis apud Deum interpo-  
 sitis, ad nostram calamitatem leuandam impetratam; acceptâ ve-  
 rò ipsi Deo referimus gratiam. Quid enim nostræ vitæ ratio? quid  
 nostrorum intercepti bonorum aditus nobis loquuntur aliud, quàm  
 nostram esse apud Deum conciliatricem MARIAM? & non loco  
 aliquo, non tempore, ad certam vnâ aliquam adstringi opem: sed  
 vno & quouis in loco omnibus omnia esse, omnium seruire votis,

*D. Aug.  
de fide  
Petri,*



vt etiam hic mihi LEZAYSCENSIS locus, non sylvarum tantum  
 horrores adimere, quod sit egressio eius ex saltibus LEZAYSCEN-  
 SIBVS; verum etiam omnium impendentium pericula & metus, ab  
 omnibus ex voto hanc augustam Virginis Basilicam ingrediendibus  
 auertere videatur, & citra omnem dubitationis aleam & rei suspicio-  
 nem auertat. Sed longius me quam constitueram liberalis in hu-  
 manum genus voluntas Deiparæ prouexit dicentem: si tamen ea,  
 quæ de summorum beneficiorum multitudine instituta est oratio ad  
 angustos reuocanda vlli videtur terminos; Loci me huius, quem  
 suis integerrimis, & sanctissimis calcavit pedibus omnis virtutis &  
 decoris sacrarium, dignitas & felicitas longiorem esse, voluit in eo,  
 quod sui tanti nominis & gloriæ extitit principium. Et quidem si  
 tam fortunati, & tot miraculis multos annos clarissimi loci princi-  
 pem quæsierimus: comperiemus ipsam hanc, quam felicitatis, &  
 gratiæ omnis, si non facundo, grato tamen sermone apicem dixi-  
 mus, extitisse. Quod enim hic suspicimus insignem, & non minus  
 sumptuoso, quam ingenioso excitatâ apparatu Ecclesiæ fabricam;  
 quod Religiosorum frequentiam aduertimus, quod vota effusa, quod  
 votiuas tabellas pio censu & deuotâ impensâ appensas miramur;  
 quod numerosam hominum confluere manû audimus; quod deniq;  
 multos loci beneficiû expetere & experiri sentimus: CHRISTI Ma-  
 ter, princeps & ad suscipiendâ & ad ingrediendâ eorum omniû rati-  
 onem accessit. Nec loci ipsius Tempe, & insignis amænitas, quæ ex  
 nemorum umbris, & proiectâ in longum agrorû fecunditate supe-  
 reminet, ad earum rerum quæ aguntur & videntur, agendarû & vi-  
 dendarum spectaculum theatrumquè pellexit excitandum: sed ipsi-  
 us humanæ salutis defendendæ & patrocinijs suscipendi ratio persua-  
 sit. Ciuitas, Regio iuri adscripta, præfecturisq; longè insignis LE-  
 ZAYSKO aluit virum, quem fortuna deseruerat (cùm operam ob-  
 locare ad elixandam cereuisiam, sarmentaquè colligenda solitus es-  
 set) candor animi, & simplex virtutum exercitium, in suo tenuerat  
 officio THOMAM vulgò MICHALKONEM dictum. Experimur  
 sæpè A. O. eos, in quorum animos fortiter egit suos radices pietas,  
 tanto suo bono, & tam eximio surculo mentis innocentiam tueri,  
 rationem in cælestium meditatione secretorum defigere, morum  
 constantiam, vitæquè probitatem seruare, nec à suo, quod benigni-  
 tate naturæ susceperunt, longo vsu comprobârunt, viuendi & agendi  
 instituto, ne quidem ad latum vnguem deflectere solere. Pietas est  
 Diuini timoris & amoris, tantò iustior, quantò liberalior propaga-  
 trix; nec popularis auræ studiosâ plebeios venatur fauores: sed priua-  
 to contenta testimonio, à publico sese discernit aspectu. Quid hæc  
 tanta



tanta & tam diuina virtus in hac bona anima non moliebatur, quos deuotionis non exeruit spiritus? quæ sui non explicuit indicia? nam si honestas egestatem consolatur: habuit Thomas MICHALKO, quod se in sua tenui & obscura sorte recrearet, cum sociam & administram vitæ assumeret pietatem. Manus eius suffecere desiderio ipsius, & nihil habenti, nihil (quod summè diuitis est) defuit. Ege-  
 ni enim semper sunt ij, quibus tam deest quod habent, quàm quod non habent; & cum possideant plurima, plura petunt.

Cic. pro  
P. Quin-  
ctio.

Hier. ad  
Paulinū.

Ouid. 1.  
Fast.

*Sed quò diuitias hac per tormenta coactas,  
 Cum furor haud dubius cum sit manifesta phrenesis,  
 Vt locuples moriari, egenti viuere fato?  
 Interea pleno cum turget sacculus ore,  
 Crescit amor nummi, quantum ipsa pecunia crescit.  
 Et minus hanc optat, qui non habet.*

Iuuen.  
lat. 14.

Gregor:  
lib. 22.  
Moral.

Magna certe est securitas cordis, nil habere concupiscentiæ sæcularis. Nam si ad terrena adipiscenda cor inhiat, securum tranquillūq; esse nulla tenus potest, quia aut non habita concupiscit vt habeat, aut adepta metuit, ne amittat, & dum in aduersis sperat prospera, in prosperis formidat aduersa, hūc illucquē quasi quibusdam fluctibus voluitur, ac per modos varios rerum alternantium mutabilitate versatur. Si verò semel in appetitione supernæ patriæ forti stabilitate animus figitur, minùs temporalium rerum perturbatione vexatur. Tum verò & ipsius Dei voluntas incredibili simplices atquē ab omni fortunæ pompa derelictos homines promouet sensu: cum à sapientibus abscondere, paruulis autem sua ostendere soleat mysteria. Tantum recta conscientia, & integra vitæ ratio prodest: ita sibi fauentes Diuos præstat, vt ad illam ornandam & cælesti dulcedine replendam accedere malint potius, quàm ad fastuosos animos. Cum ergò hic THOMAS MICHALKO in suo vitæ simplicioris instituto perstitisset, nec à suscepto pietatis exercitio recessisset: locum & lignis comparandis, & deuotioni agenda opportuno, in quo & laboris prædam, & pietatis solatium inueniret, frequentauit. Non minùs profectò suis rebus curandis ad corpus sustentandum; quàm pietati exercendæ ad animum ornandum intentus: omnem corporis contentionem cum animi eleuatione ad Deum coniungebat. Quin immò corporis reficiendi præsidia, precibus ad Deum, Deiquē Matrem Virginem effusis auspicabatur, non tam in sylvarum opibus, quàm in Dei timore, Diuorumquē patrociniò, vitæ suæ rationem reponendo. Nemus illud, quod propè LEZAYSCVM est, in testem & obsidem se offert laboris atq; deuotionis oppidani huius. Quoties ille, quoties pro se, pro sui animi salute, supplicabat Deo à vulgi

strepit.



itrepitu & hominum oculis subductus? Quoties ex saltibus illis, municipibus pro stipe sarmenta, sibi pro suo merito cælestis gratiæ incrementa exportabat? Quid? inuentus est dignus huius beneficii Diuini, quo noster Sarmaticus perfruitur orbis, & locus hic floret, statum predicare, fungiquè præconis voce ad religionem loci suscipiendam. Etenim pro more suo Anno salutis nonagesimo supra millesimum, quingentesimum, victus parandi gratiâ syluam ingressus, solitos deuotionis actus non negligit, lunatum incuruat poplitem, consuetâ Deum precatur oratione, terrenâ se abstrahens Coloniâ in cælum retorquet oculos, totusquè pietatis ardore æstuans, Virginem in splendore cum venerandæ senectutis viro, sponso suo credo Diuo Iosepho, sibi affulgentem iuxta arborem conspicit. Hæret in vno obtutu defixus, & visionis nouæ spectaculo exterritus, concidisset metu, nisi gloriosæ Virginis, quæ Virginitatis suæ & ante partum, & in partu, & post partum non passa detrimentum, reficeretur verbis; MICHALKO? *hic Dei nostri, filij autem mei, gloriam, intercessionemque meam semper agnoscetis: hunc locum elegi mihi ad humanum genus iuuandum. Perge ad oppidi magistratum, meamque hanc expone voluntatem, ut hoc in loco, in memoriam mei, templum statuatur.* O felicem animû, cui contigit audire vocem non triginta annorum opere expressam, non alicuius dolo & figmento eductam: sed humano more & sono efformatam! Suspectam tamen habuit hanc vocem, nec se diuulgandæ illi ausus committere THOMAS MICHALKO, ne timor Dei quo plenus erat, in procacem degeneraret furorem. In dubium vocat rei à se visæ fidem, veritus, ne spiritus tenebrarum in Angelum lucis transformatus falsam sibi exponeret visionem. Res ipsi nota soli, ignorabatur à cæteris, continet linguam, nemini quid vidisset exponit, ne temeritatis aut amentię accusatus à potentioribus & maioribus damnetur. Prudentiam potius quàm stultitiâ facti suspice, & prudentem simplicitatem (quæ semper digna fauore fuit) excusa: imitare simul animi constantis in pietate industriam, quæ ad illius loci, in quo se elusam pro suâ opinione censuit, aditu prohiberi, ne mentito etiam, ut sua fuit sententia, spectaculo, ad consuetam deuotionem faciendam potuit deterreri. Huiusce enim loci, quem ad suam commodè circumscripsit deuotionem, cancellos iterum tum ad colligenda ligna, tum ad agendum cum Deo, consuetudine monente adit, suspicit cælum, quod sibi secundum fauere aduertit, cum eadem felix recreatur visione, eandem Virginis & senis grandæui excipit præsentiam, eundemquè repetitum audit sermonem. Paulò erectior secundo aspectu, arripit gressum, sarmenta collecta, in vnumquè congesta cumulû, fune obligat, onere induratis &

Ouidius.



cis & labori assuetis humeris imponit. Iamquē sylvas egressus euadit, atquē citato multa animo voluit, superat recessu, & quid facere oporteat, cogitat. Ecce verò inopia & obscura vita omnem illius perturbat cogitationem, coquē illum, quod constituerat, consilio deiicit, nullam verborum eius fidem fore exprobrat. Hostem se illi paupertas exhibet in eā re exequendā, quā fortuna nemini suorum commissam indigne tulit & in qua potentior vllus amicum non est expertus cælum. Tot illi hominum odia obuersabantur: tot inimicitiae veniebant: tot mendacia sibi obijcienda sese ingerebant: tot supplicia & illa, quæ vulgo rei nouitatem consequi solent, conuiciatorum, calumniantium opprobria & ludibria, ad silentio rem inuoluendam inducebant, & acrius insistebant. Ego verò puto eum ita grauem & singularem Matris Dei in genus humanum voluntatē, noluisse in publicum deferre, quod se talis munere nunciij agnosceret indignum. Reposcendos potius ad ead rem censuit viros eruditionis, sapientiae, ingenij, opum, fortunæ, honorum gloriā conspicuos, quā se in infimis conciuum suorum in illo oppido constitutum. Existimauit viros toties in rebus agendis & exigendis exercitatos, & de quorum fide nemo dubitaret, qui semper in luce viuentes, nunquam finistrē, quidquid egerunt, nullam suspicionem, minus fidelem sui excitārent, sed omnes in suam estimationem amicissimē traxerunt, in huius rei obsequium accersendos: non se à publicis distinctum officijs & earum fortunā rerum, quæ se suamquē exercerent fidem (si tamen nulla est huic habenda fides, qui cum nemine subdolē egit, suo contentus, non viuit alieno) nunquam probatum in eius facti persequendam rationem appellandum. Sed Deus, quæ à sapientibus & summis in politico vitæ instituto viris abscondit, ea simplicibus & paruulis reuelare solet hominibus. Nequē hic se ad nobilium aulas, magistratuum subsellia, eruditorum cācellos, oratorum exedras, quibus ea, quæ duplici iam visione per suam Matrem oppidano huicce præbuit, iure possit committere conuertit, sed eundem tertiā Virginis apparitione eiusdem rei commonefecit. Cum etenim consuetudini suæ inhærens, non tanto se vltro ingerens negotio, ad eundem locum incessisset suorumquē votorum pensum exoluisset: stetit Virgo iuxta triquetram arborem, in conspicua luce, & splendore magno, eodem comite, quo prius, spectabilis. *Quæ tua, inquit, socordia! quod animi vitium! qui diuini beneficij contemptus! quæ indigna & execranda mei præsidiij, quo in genus hominum teneor, desipientia! quod ingratum in te verborum meorum repudium! metuis inuidiam? non eam effugies: times opprobria? & ista tuum impetent caput: vereris supplicia? etiam te hæc manent: reformidas carceres? his teneberis;*



neberis, quibus tamen ego te mirabili expediam modò: horrorem tibi afferunt Consulum secures? non euades earum aspectum, sed in ijs omnibus ferendus animo te iubeo esse bono, cum tibi non datam fidem ex euentu lugebunt. Namque hic locus multis clarebit Miraculis, & peregrinarum gentium calamitati solatio futurus, & in custodiam Fratrum Minorum de obseruantia ex Familiâ Francisci compatiens, Filio meo Cruci affixo cessurus & abiturus. O singularem curam Virginis Beatæ in prælidio sufficiendo nobis! O vigilem nostræ adiutricem vitæ, quæ in augurando, in sui integerrimi nominis honorẽ, operi ita sedulò institit! Nimirum hæc tantoperè nostro affecta generi Virgo, nostrâ excitat A. O. socordiam suâ diligentia: nostrâ coërcet agendi tarditatẽ suâ celeritate, nostrum promouet reluctantẽ animum sua facilitate. Fecit vir ille, cui nostra multum debet ætas, & ventura debebit, quicquid ad tantæ actam salutaris rei significationẽ spectare videbatur, gratus tanti patrocinij, pro nostra, pro nobis, pro nostrorum laborauit multum subleuanda calamitate: Cum ad omnia se perferenda fortiter animauit, cum debita sermonis & mētis libertate id, quod Dei munere & ministerio Sospitatricis nostræ oblatum esset, publicè aperuit. Sensit ille Diuinæ voluntati obices non opponendos, prudenter aduertit beneficia Dei non esse negligenda, ne fortè subrusticâ ingratitude res humanæ in exitium vocetur voluntarium. Ergo Proconsulem municipij non minus annis (ad centum enim iam propè annos deduxit suam ætatem) quàm moribus & virtute grauẽ virum GREGORIVM STRIKOVVS KI. Lesny vulgo dictum adit: rem omnem exponit quid fieri oporteret ostendit. Annuit Proconsul verbis: nec simplicẽ contempsit hominẽ; quòd sciret simplici oratione veritatem cõstare: statimquẽ iubet erigi in eo, vbi steterunt pedes Virginis, loco, figurâ Palsi CHRISTI. Rem integram alijs principibus municipij viris nunciati, fides non adhibita: exacerbati in eam geruntur animi: subsecuta sunt omnia, quæ temeritas hominum, ex Virginis denũciatione, paratura erat veritatis nuncio. Ipsæ agnouerunt, proh pudor! loci dignitatẽ pecudes, quæ in illud nemus abactæ ad pascuorum vsum erant: etiam & equi sexaphori propè locum (erat enim ibi via, quæ tũ ad municipium, tũ ad vicinas ducebat villas) à suis agasonibus directi, genibus procidebant suis, quasi futurorum præscij, præsentia intelligentes, venerationem arenosis exhibuerunt spatijs. Frequens subinde veniebat populus ad locum, in quo exædificata fuit Patientis Dei imago, vt Parochiale templum quod Custodes Sepulchri Domini inhabitant, solitudine funestaretur. Succensuit populo nouam ineunti deuotionem ALBERTVS WYSSOGROD Præpositus LEZAYSCENSIS, & desertam moleste ferens Ecclesiam suam, ad locum



locum verò hunc ingentem confluere vtriusquè sexûs hominû multitudinem; iniicit frena equo persequitur indignatione sociâ concursus populi, eques obuios quosquè verberibus lacepsit: reuertentes ad suam Ecclesiam compellit, & acriùs (ad festum diem, quo hæc agebâtur, obeundum) increpat: captos locum inuisendi desiderio, ab instituto reuocat itinere, flagelloquè minatur: Votis & orationi intentos suo importuno aduentu commiscet, dissipat, in fugam cōuertit. Insuper relictos præ metu, vt potè à peregrinantibus, bacillos & scipiones ignè succendit, proximosquè saltus & ipsam Crucifixi Dei Iconem in periculum vocat. A quo quid expectandum erat aliud, quàm qui igne furoris æstuans, eum in obiectum & præsens exereret alimentum? Credo illum externæ pietatis exortu, & domesticæ consuetudine deuotionis, deflexione commotum in eam deuenisse insolentiam, vt re incognitâ statueret id, quod Dei munere oblatum municipes aduerterent abolendum, ipsumquè tanti beneficii indicem in vincula coniiciendum, præconis voce proscribendû, verberorum lanienâ dignissimum, mangonum horrendæ diastigmatigosi ad iudicandum, tradendum, committendum, vt publicæ pietatis turbatorem. Suasit enim impotentis animi vis, & amentia MICHALKONEM captiuum adduci ad Oppidi Procōsulem, causam dicere coëgit, in eius carceres, vincula, custodiam, plagas publicè infligendas consentire. Quippè quoniam hominem plûs fidei quàm artis, plûs veritatis, quàm disciplinæ possidentem, meliorem virum, quàm quis existimaret, qui ita dignissimus erat tanto officio propter simplicitatem, vt dignissimus esset amore propter innocentiam; in domum Procursulis attrahi, (si trahendus erat is, qui se his æquo animo ferendis multò antè commiserat) torqueri metu, (si quis ex speratis venit rebus) carceres, qui nequicquam virum infontem affligerent, in nascentis deuotionis authorem effundi, carnificis tentari manibus, quæ infonti gloriosas inferrent plagas, placuit. Oppidanæ Rectori pietatis paruit Proconsul; carcere, quem vindicem, nefariorum ac manifestorum scelerum maiores nostri esse voluerût, custodiendum Michalkonem suis licitoribus & sicarijs præcepit. Fit mandato Proconsulis absquè mora satis, coniicitur innocēs vir in carcerem, in tenebras, in squalorem, in sordes, inclusum non reluctante operâ subit supplicium, atquè à conspectu hominum, sociorum, Ciuium, deniquè à libero spiritu & communi luce secluditur: in quodemùm facto animus actoris furore agitatus conquieuit. Sed domum se recipiens quietem domi non inuenit. Etenim condemnatæ innocentiae poenas in se conuersas agnouit, cùm lecto affixus omnibus doleret artibus, quos liuor sanie atrâ & lurido tabo squalidus occuparat

Cic: 2.  
Catil,



cupârat: Corpus quod pallor suffuderat, tanquam testa in cicatrices defluebat, hiantesque resoluents se cutis, compagines eminebant. Venenum sibi propinatum ratus, de incerti authoris scelere conqueritur. Sed Proconsulis, qui dimisso (ob quendam subito, exortum, animi tremorem & pauorem) Т Н О М А, inuiserat Præpositum, indicio, quo hostiliter persecutæ religionis poenas in illum cõuersas testatus est, erectus; dimitti, quamprimum petijt captiuum suum, & ad se vocari, vt facti sui amentiam deposceret. Accersitur M I C H A L K O, non ex carcere, sed ex Proconsulis domo, in cuius amplexum Præpositus se suo commouit strato, & numeratis ei florenis quatuor monetæ nostræ, dimisit suâ æde, humanitatem & clementiam eius deprecando. Ipse interim inualescente vi morbi, consilio medentium suæ curam salutis traditurus, Iarossauiam petijt: quam suam profectionem vitæ potius, quàm suscepti itineris termino confecit. O funestam negatæ fidei poenam! ô tristem violatæ & impeditæ deuotionis Catastrophem! hoc tamen profecit insperatus hominis è viuorum numero exitus, quod multis in loci illius venerationem licentia insurgendi auerteretur. Claruit illa felix, area miraculorum dignitate, & frequentem ad se venientem, populum, cum insigni aliquo semper beneficio remisit. Iamquæ & M I C H A L K O vitæ suæ innocentia & morum comitate gratus omnibus audiebat, omniumquæ in se insensos animos singulari Virginis patrocinio in suum conuertebat amorem. Si quidem excitatas & eductas iussu vicepræfecti L E Z A Y S C E N S I S G A S P A R I S G L V C H O V V I I in suos digitos ex bombardæ in ferto filice (quæ est aulica insolentia, & improba ac plusquàm Democriteo exhibilanda cachinno, Curialium tormentorum consuetudo) scintillas ignis abquæ vlllo sensu & dolore sustinuit. Iniectæ sibi pedicæ & numellæ suapte vi, sine vllâ corporis luctâ, liberam sibi dederunt in custodia solitudinem, vt compedibus, & ferreo in manibus nexu solutus à multis cum admiratione spectaretur. Insuper cum eundem, vices Præfecti gerentem, virum furor in M I C H A L K O N E M armaret ferreâ clauâ, manumquæ iniiciendam eius corpori altius efferret; obstupuit dextra, nec tanto admoueri negotio, nempe id faciendi amissa facultate, potuit. Agnoscit se, à tam audenti impetu, diuinitus inhibitu, sentit percussorē innocentia tali affici supplicio: nihil in locum, qui bonorum futurus esset alueus & promptuariu, molientdum, audendum, attentandum esse inclamat; comprobaturque locum hunc religiosè tractandum publico testimonio, cum ex voto erectionem templi lignei, omni operâ, studio, diligentia meditatur, & solenniter pollicetur. Recreatur manus ex suâ funestâ vice, & pristi-



pristinū resumat vigorē, ad ita piū hominis institutū. Si enim Centurio Euangelicus (Diuus Ambrosius loquitur) meretur gratiā, qui pietatis receptaculū præstitit: quanto maiorē meretur gratiā, qui religioni domiciliū præparauit? Et, si ille cælesti misericordiā visitatur, qui construxit locū, vbi CHRISVS semper negatur: quantò magis visitandus est, qui fabricari fecit tabernaculum, vbi CHRISVS quotidie prædicatur, (liceat nobis esse in eā re ita animosis, vt addamus) vbi ipsius Dei Mater ac simul Virgo nobilissimum castitatis exemplar celebratur? Nulla mora intercedat, ō voti conscia mens; exurgat moles MARIANA, excitetur myrothecium spirituale, pro animi corporisque curandis & confortandis viribus: quod decreuisti opus promoue tuis impensis. Perge animosè, perge vt capisti, in aris & Templo construendo: beneficium hoc posterius acceptum tibi referent: effice vt à te inceptum hoc deuotionis monumentum, à te prima sumpsisse exordia iure possit gloriari. Excitet te camomillæ odor, quo nemoris huius regio fragrat, & insigni herbæ excellit copiā. Quæ certè tanta loci gratia, futuros hominum in deuotione designat feruores, & cælestium beneficiorum suauitate. Futurus est hinc hortus voluptatum, campus deliciarum, Tempe gratiarum, viridariū, omnis iucunditatis, *μυροθήκη*, ex quo infirmæ hominum mentes recreentur, reficiantur, confoletur. Est quod te ad præconcepti operis suscipiendam rationem admoneat: en cogenti pecus in eos LEZAYSCENSES saltus admodum puero Sebastiano TALARCZYK candelæ, ipsius elementi ministerio, & obsequio, ardentes exhibentur: en campanarum nunquam antea inibi exceptus pulsus, dices aliquem rei diuinæ operari audiuntur: en ipsa demum solis excedens lucem Virgo, cuius niue candidior vestis defluxit ad terram, visendam se præbet, theatrum, in quo humanæ prospiciat necessitati; speculam, ex qua omnium videat inopiam; tabulatum, in quo mundum ab indignatione Filij, quam homines vitijs prouocârint, tueatur, nec missilia in orbe catholico patiat impune grassari supplicia, expostulans ardentem & opperiens. Consule huic pijsimo & optimo LEZAYSCI populo, qui auditâ re, frequens ad MARIANVM hoc gratum solatij accepturus pabulum, in dies conuenit, nec iniuriâ cœli, aut aëris inclementiâ, à tam digno & incredibili votorum exercitio reuocatur. Mouit iam ea res Præpositum Ecclesiæ LEZAYSCENSIS summæ eruditionis & probitatis virū, THEOLOGVM nomine, qui publicâ decretâ deuotione, processit cum iubilo, & omni educto, qui ex eadem Custodum sepulchri Domini familiâ esset, Clero ad debitam loco venerationem exhibendam: in tuam se loci huius dignitas, non insinuabit liberalitatem. ? mul-



multitudo effusa ex oppido ad loci cultum, silentium sui Præpositi, in disertam ingredi facundiam cæpit, cum in illorum insigni meditatione verborum: Confitebor tibi Domine Pater Rex cœli & terræ, quia abscondisti hæc à sapientibus & prudentibus, & reuelasti ea paruulis; ita Pater, quoniam sic placitum fuit ante te: immoratus, locumque hunc cœlitus Virgini gloriosæ tributum confessus, in eius solius possessionem, & tam venerandi nominis cultum, per augurationem cessurum & abiturum prædixit, concionem populi ad maius flexit pietatis exercitium: te, à decreto huiusce rei consilio, ratio aliqua deflectet? Est tibi tanti hoc officij præstare opus: tua te ipsa mens, vt ad alia omnia præclara gentilitiâ vi, ita ad religionem promouendam natâ, ad Sacellum intra septem dierum spatium excitandum, quod Diuæ ANNÆ offers, (supplicans Matri, quæ filiam suam tuæ, vt censes, temeritati insensam conciliaret) hortatur: sensim verò ad Templum ex cæsis arboribus suscitandum progredieris, in quo multorum temporum beneficentiæ diuinæ non vulgaria extabunt specimen. Cedet hæc non paucorum commodo, insigni verò suæ gloriæ augmento tignarij operis fabrica, ad quâ venientes infirmi nō reuertentur infirmi: accedentes impotes animi, nō dimittentur impotes. In tantâ hic labor venit amplitudinē, A.O. vt cū liberaliū beneficiorum famâ ex remotis peregrinos duceret partibus: nec locus capiendis hominibus suffecit, nec Sacerdotum (qui ex oppido ad ministranda Sacramenta & rem, Diuinam faciendam, in dies mittebantur) labor tantæ potuit respondisse multitudini. Quare ad id quod felix ille MICHALKO, ex ore Matris Dei acceperat, rem deducendam tempus persuasit; vt religiosis ordinis S. FRANCISCI Minorum de obseruantia, cura & custodia Templi, rei Diuinæ exercitium, Sacramentorum populo quotidie confluenti sufficendorum vsus committeretur, demandaretur. Cū enim post operatâ salutem, mūdus ageret Octauū supra Millesimū sexcētesimū annū, æternâ dignissimus memoriâ MATTHIAS PSTROKONSKI Episcopus Præmylli: Regni Cancellarius, benè sui Episcopalis magistratûs gerens officiū, ex hac ipsâ Diui FRANCISCI Familiâ dexterrimos, & intergerrimos in vinea Dei operatores introduxit, ijsque ex liberali in rem Diuinam (cuius promouendâ, quanto teneretur studio relicta in Serenissimo Filio Rege nostro, felicissimo & clementissimo augendâ pietatis indicia testantur, & ipsâ loquuntur) piæ memoriæ SIGISMVNDI III. POLONIÆ ET SVECIÆ REGIS animo & consensu, à summis & clarissimis nostræ Reipub. viris ad hoc beneficium conferendum delegatis, ad commodè inhabitandum, & deuotionem exercendam termini definiti. Cū verò Illustrissimus



LUCAS DE BNIN OPALINSKI, Supremus Regni Marſchalcus, in ſuâ tantum felicitatis monumentum gauderet ſupereſſe (quē patria, vt obſidem virtutis Paternæ, non Regiæ ſolum Aulæ & publici prætorij virgâ, ſed etiam hoc ipſo meritorum præmio exornauit) præfecturâ: ad loci maiorem commendationem, & amplius ornamentum: Templique, quod anguſtius, quàm vt frequentem cōprehenderet peregrinum, fuit, acceſſionem faciendam, non tenacē in religionis ſumptus impendendos ſuam conuertit mentem. Scilicet quod Virgo Beatiffima futurū in eo loco prædixit Templum, illud inquam Templum, quod totus Orbis miraretur, & quod duodecim Altaribus litaret DEO PATRI HOSTIAM SANCTAM, ET IMMACVLATAM: hoc pietatis tanti in Repub: viri fuit certius, quam ex triuio & tripode Delphico Oraculum. Primarium operi tam egregio decimus octauus ſupra Milleſimum ſexcentefimū annus iniectum ſuſpexit lapidem, quem reliqui decem ſubſequentes anni, cūm ferueret opus & artificum manus vrgerentur, perfectō & abſoluto onere contexerunt. Iam verò ex qua votiua pendet tabellæ, & ad quam cereorum ſupplicantiumque ardenter eminet feruor, Imaginem, non tam artis pictoriæ peritior, quàm melioris vitæ ſtudioſior (nam curſum mortalitatis in Sacerdotij cōfecit munere) ERASMVVS Pictor Ciuis Lezayſcenſis, non tam ad ſui nominis gloriam, & artis commendationem, oſtentationemque ingenij, quàm ad pietatē & deuotionem depinxit, & ANNVNCIATÆ VIRGINIS Myſterium expreſſit. Et licet deuotæ hominum panegyres, illius loci non ita, vt nunc eſt, auguſtæ Eccleſiæ fabricâ memorabilis incredibile ſemper beneficium experirentur: tamen hoc honoris & ornamentum apparatu, nulla gratiarum facta eſt diminutio. Concitabatur populus, imaginis Præſentiâ, ad maiorem deuotionem, vt cūm creſcēte populi frequentiâ, creſceret ad collis illius Feliciffimæ Præſidis, interponētis ſe pro hominum neceſſitate, preces Dei gratia. Dixerim ego illam molem, quæ arenam ſupereminet, cœleſtem aquæ ductum, cui canales diuinorum beneficiorum admoti, abundē in varios hominū vſus & vtilitates largitionibus exaſtuant. Dixerim, frumentariam cellam, quâ languidi & conſecti fame, vires diminutas, amiſſasque paſſim recipiunt. Iure appellârim feraciſſimū granarium, ex quo tot vitæ conſeruandæ, & reficiendæ præſidia efferuntur: necnon ad grauem hoſtium, & ſenſuum ſuſtinendâ obſidionem, epimenideum depromitur remedium. Non è re loci videbor eloqui, cūm hoc Auguſtiſſimæ Imperatricis domicilium, promptuarium pacis, receptaculum pietatis, ædem omni bonorū ſegete inſeſſam, tectum refugij, domum pietatis, alueum felicitatis, hor-



horreum deliciarum, in quod omne quicquid Coelo est genitum Deus impluit, in quo nil nisi Diuinum, nil nisi socium vitæ & salutis locupletissimè reponitur: cui non humana industria, non ingenium, non ratio, nec consilium in quærendis sagax, in tenendis prudens, in seruandis expeditum rebus, congersit diuitias; sed Diuina benignitas importat facultates. Quid si officinam appella-uerim, in quâ Dei beneficia, Præsidente hac Pijssimâ CHRISTI Genitrice super reparandos hominum defectus impensè occupata, prolixissimè exercentur, tantæ me appellationis poenitebit? Næ isti ego felicissimæ aræ, tantum tribuam, quantum tribuendum, illi Censem loco, qui omnium necessitati prouidet ac faciliè quamuis iniquitatem consolatur. Nemo iam sit, qui huic tantæ ac tali nostrorum Cognitrici bonorum vni & soli non totum, quantūcun- què in iuuandis nobis est situm, vendicaret, id quod antiqua hominum superstitio, tot delubrorum commento & nomini veriùs, quàm Deorum Dearumque Numini ambitiosè, & amenter puta-uit referendum. Varias fingeant veteres Numinum formas, diuer- sis præficiendas locis, in quibus aliquando sua periclitaretur salus: nobis vna est Diua, quæ non opinionem sibi Numinis arrogando, sed facilem quiduis impetrandi potestatem demerendo, omnium locorum, omnia vitæ salutisque humanæ tuendæ præsidia cõple-ctitur; atque hîc ad LEZAYSCENSES saltus tanti sui consilij erexit spectaculū, in quo gressus claudicanti redderetur cohorti, amissi lu- minis restitueretur facultas, naufragis pararetur euasio, morbo lan- guidis antidotum misceretur, cum dolore suorum excedentibus de vitâ regressus ad vitam pateret, ab omni aliâ spe derelictis figeretur solatium. Quemadmodum in benè ordinatis, & pro sumptu libe- raliter excitatis nosocomijs, eriguntur etiâ apothecæ, quæ ad omnis generis morbos alleuandos & tollendos, medicamenta possint sup- peditare: ita hoc LEZAYSCENSIS Diuæ domicilium, est myrothe- cium spirituale, pro animorum corporumque depellendâ illuue & viribus confortandis. Illa, illa, hîc videmus & lætamur conferri be- neficia, quæ LEONI mox imperatori futuro quondam polliceba- tur Dei Mater, cum ipsum ad excitandum sibi Templum cohortaretur his verbis: *Tu fac, ut adem mihi hîc sacram construas, in qua identidem verfer, & suauiter deambulem: in qua, etiam precantibus o- mnibus, locumq; huic cum ardore & fide certâ adeuntibus, optata præ- stem omnia. Neq; quicquam prorsus quod mihi aduersetur, & non conti- nuo mea potestati sit cessurum, etiamsi Demon sit, aut morbus, qui omnem superet medicina curam, aut aliud quicquam quod factura non sim, dum- modo ritè pièq; sit petatum.* Felicem fabricam, quæ tantorum suspe-  
xit ope-



xit operum gravitatem ! Felix tantæ excitator molis, qui author extitit ad pollicita exploranda beneficia ! sed nec tuus hic locus, qui iam virgineo cessit dominio Polonia tali opere minus felix est, in quo omnia colono LEZAYSCENSI, ceu LEONI Sarmatico, promissa copiosissimè exoluuntur. An enim hîc præsentes non agnoscunt præsentem Virginem ? an absentibus ab hoc loco illa non est præsto ? an à longissimè etiam disitis vocata, non optatâ ope suffragatur ? non expetitam sufficit defensionem ? Scimus eam hîc versari : gaudemus, ei hîc manendi delectam sedem, gratulamur nobis, quòd cum inopes hûc venerimus, diuites hinc reuertimur : cum infirmi accesserimus, robusti discedimus : cum tristes appulerimus, læti regredimur : cum abiecti metu apparuerimus recreati hunc deferimus locû : cum nos nostrosq; hûc sistendos ex voto polliciti fuerimus, vix voto facto, id quod postulamus, assequimur. Adierit modò hunc locû miserè imprægnatus dæmonio : nefandi sui oneris deponet calamitatem & calamitatis reperiet terminum. Fuerit hîc de suæ salutis abijcienda cura, à perditissimo cæli rebelle, & sui improbißimo prædone boni sollicitatus : mittet sub iugum ita impiè conantis latronis insultus, & huius aditu loci exterritum in profundas tenebrarum latebras conijciat, victorquè calcabit victi lasciuiam. Nec verò his omnibus, & alijs plurimis, commodis ita comparandis & tantâ copiâ ac felicitate repetendis, aut requirendis, alius quispiam superest modus, quàm piè ritequè compositi & ab omni labè immunis animi apparatus. Quis vero eam, quam in probo quoquè necesse est esse, rationem sequi nolit, vt suarum potiretur voto rerû ? quis non saluus haberi malit, quàm sibi exitio esse voluntario ? Verû enimuerò ita me steriliter, nec satis pro dignitate in laudes huius loci inuectum quisquam arguet, quòd cum tanta fieri supra hominû vires, molimina dixerim, nullo id exemplo comprobârim. Nolite A. O. nolite quæso putare, hanc meam rem ad agendum susceptam, ad dicendum propositam, in agendo copiosam, in dictione grauem, ita suæ probationis egere instrumentis, vt exotica illi mutuanda essent argumenta. Extant monumenta beneficiorum in Theatro LEZAYSCENSI deposita, & Illustrissimorum ac Reuerendissimorû, Episcoporum Præmißiensium, (in hac enim consedit hoc diuinissimæ Larariû Virginis Diocesi) qui sunt æternitatis excepti gremio, MATTHIÆ PSTROKONSKI Regni Poloniae Supremi Cancellarij, & HENRICI FIRLEII, de Dambrovvica, Ordinariâ, quam in locum hunc habuerunt Dei & Apostolicæ sedis gratia, ad se, ad sua merita, ad suam dignitatē deuolutam Authoritate, diligentiquè Commissariorum inspectione & censurâ publicè approbata, signisquè mu-



mta ad Diuinæ largitionis gloriam augendam, Deiparæ honorem  
 manifestandum, infideliumquæ, & quos temeritas quin credant ob-  
 cæcat; impudentia, quominus, quæ aguntur, non rectè agi dicant,  
 admonet; stultitia, ne putent, laborat; improbitas, ne faueant, exti-  
 mulat; nomina confundenda. Vultis ( sed & ipsum rei momen-  
 tum exposcere videtur ) afferri ea, quæ in aquis, in continenti, inter  
 domesticos vsus, inter metum armorum, atquæ adeo in ipso vitæ pe-  
 riculo cuiquæ oblata sunt per LEZAYSCENSEM VIRGINEM bene-  
 ficia? rem certè dignam cognitione, dignam hac publica luce, o-  
 mniumquæ aspectu postulatis: ob quam & seruatorum felicitati, &  
 vestræ ætati iure possit gratulari posteritas. Vocaret me primum ad  
 se munificentissimi & nobilissimi nostræ Reipublicæ viri Illustris si-  
 mi Fundatoris, & Clementissimi Erectoris huius Templi, seruata be-  
 neficio LEZAYSCENSIS, id est, MARIANI loci salus ( quæ vt Ec-  
 clesiæ, Regno, ciuibus, fundatissimæ Familiæ diu super sit, omnes bo-  
 ni expetunt, & ipsa implorat patria ) & restituta: nisi eam in omni  
 periculorum loco defendi semper à Deipara accepissem. Ita com-  
 munis omnium nostrum Præses prouidit, ne quid eorum, qui in rem  
 suam, nullis pepercerunt impenlis, vita & fortunæ dispendium pati-  
 antur! Ita suis, quos sibi deuota mens conciliat, semper præsto adef-  
 se, & beneficia eorum in suum exhibita cultum, suis valdè quàm ma-  
 ioribus cumulare beneficijs consuevit! Fuerint exundantes fluui-  
 orum ripæ, suoquæ procaci confluxu abripiant impendentes sibi ani-  
 mas: component suos æstus, & ereptam perditis restituent salutem,  
 hoc cœlesti Tridente MARIA lacepsitæ. Ab huius panè fati vesti-  
 bulo reuocatus est Illustrissimus VLADISLAUS DOMINICVS  
 Dux in Ostrog & Zaslavv, Comes in Tarnovv, Stabuli Regij Præfe-  
 ctus Luceoriensis &c. &c. Prætor, quem patria, vt obsidem supersti-  
 tis gloriæ Maiorum suorum læta suspicit, & qui Rempub: vnice a-  
 mat, & ciues suos: hunc Regina Poloniæ seruauit Polonis. Cum e-  
 nim pleno alueo spumaret Vistula, & concretas resolveret ripas in  
 hippaginem concretarum crustæ aquarum, tantâ vi egerunt, vt Il-  
 lustrissimus Dux in aquas excuteretur è pontone. Quominus tanto  
 ciue & Duce non lugeret Lechia amisso, prouidit Sceptris præfidens  
 Iagellonicis Diua, cum remigi tantum daret animi, vt collotenus,  
 iam immersum submoueret, aquisquæ educeret. Ita seruatus LEZAY-  
 SCVM subito petijt, tãtoquæ se periculo solutum, institutarum Asserti-  
 ci suæ gratiarum publicâ testatus est solennitate. An non huiuscè rei  
 luculentissimum mirata est villa Medinia argumentum? in qua An-  
 no à Messia nato decimo nono supra Millesimum sexcentissimum  
 Iosephus, Iacobi Nouorolij submersus aquis, mortuusquæ exceptus,  
 à Ma-



à Matre totâ nocte custodiebatur, quæ inter suos dolore squallida, singultus, ipsam toties implorauit Virginem, eiquè soli tristem filij, quem sequenti sepeliendum statuerat Pater die, interitum cōtestata, altum dormiuit somnum, quo soluta filium à Patre vnus excipi, reasumptam agere vitam, lætatur: quem subito pij & grati parentes, LEZAYSCENSI Diuæ, cui hoc beneficium acceptum retulerūt, præsentem deuouerunt exhibere. Iungam alias, quas & beneficium Virginis, & exitus pares fecit animas: quarum alteram Zielonka, alteram Siedlonka, ereptas vndis deplorârunt villæ. Illa quidem Catharinam Adami Luciani Filiam, (quam stagnosa vnda natantem, trunco alliserat immani, tenerumquè eius eduxerat spiritum) ad toties imploratam Virginis Diuæ Lezayscensis opem, testata est rediuiuam extitisse, Anno à partu Virgineo trigésimo tertio supra Mille-simum sexcentésimum Calendis Iulij. Hæc duorum annorum Annam puellam, oculis suæ Matris repentè subductam, cuius multo requisitæ tempore, & iam deploratæ corpus exanime, aquis supernatare aduertit sollicita Mater; quod tandem assecuta, in Deiparâ spē suam reponēs ad hunc locum sacrum, voto factō, deportat: filia est vitæ, mater est optati sui potita. Consimili impetu mortis, trigésimo tertio anno, supra Mille-simum sexcentésimum, Gesiouiensem agrum exiguâ stipe incolentis Martini Krol filia Anna, in stagnum conscēdit, in quo vitæ suæ, quam vix aguouerat, inuenit terminum. Hanc tali casu extinctam luctu affecti parentes, si viua Dei munere, & Felicissimæ Virginis intercessione, superesset, ad Aram Lezayscentem se adducturos promiserunt: quo vix factō promisso, dolorem expetito reparârūt solatio, & ritè egerunt id, quod percepissent. O facilem humanis rebus Virginem! ô felices animas, quæ secundū Deum in nullâ ponūt maius adiumentū re aliâ, quàm in Dei, Matre! Similis casus & nominis, patrociniatē suæ calamitati eandē omnium nostrūm Protectricem, agnouit mulier Morczyna appellata, cuius è pago Łaczynum dicto ad votum exoluendum Lezayscum, contendētis, consternatum inundantis vistulæ periculo pectus, ope est MARIÆ recreatum. Huic enim è pontone elapsæ, eiusdem piè suscepti comites itineris defensum, & quin ab aquis absorberetur beneficio Virginis LEZAYSCENSIS, ad cuius diei solennitatem tenderent, seruatum spiritum suis manibus, ab imminente metu liberârunt. Quæ vt primū ad portum feliciter peruenit, procidit ingenua, & tanti muneris ac beneficentiæ gratitudinem deuotè magis, quàm disertè est contestata: Gratias Tibi, inquit, & habeo & ago, ô cæli Regina, quæ mihi periclitanti opem non negasti Tuam. Tuis sum meritis salutem adepta. Non ego, dum è ponte subduce-

rer, e-



rer, eram sola : mecum Tu eras : Tu manum, quando in ipsum me-  
um ruebam exitium, supponebas. Casus, qui me sæpè transit, nunc  
inuenit, prohibuisse me aditu Tuæ sacrae Ædis decreuerat : Tu & ad  
portum, & ad Ædem Tuam deducis. Felix, iterumquæ Felix homo,  
quem in Tuâ curâ & tutelâ benignè foues ! Multiplicasti mihi bene-  
ficia, multiplicabo ego vota. Sed cui Tu non ita liberalis es, vt  
semper nouis eum beneficiorum indicijs cumulare velis ? rectè, pro  
suâ in suæ salutis vindicem, fide & pietate, præsentem exempta periculo  
mulier verbis contendit : prudenter lucidissimo huic syderi naufragis  
affulgenti supplicata, vt cuius opem ipsa experta esset, eandem om-  
nibus hominum periculis præsentem semper adesse indicaret. An  
enim hæc Lezayscensis collis Diua, lapsis & aliquo casu in discrimen  
adductis auxiliatricem supponere manum, dedignatur ? an etiam e-  
pileptico correptis morbo, defuit ? scimus Lucæ Baginski filium A-  
damum è porticu excelsa, inuerso capite lapsum, rationis amisisse v-  
sum, horribiles oculorum voluisse intuitus, hiatus oris immensos e-  
gisse, linguâ, manu, totiusque statu corporis insaniam præbuisse.  
Quæ res, vt miserabilis erat, ita suis parentibus luctuosa : atque vt nul-  
lis humani ingenij opibus, & viribus, medicorumque sananda ope-  
râ ; ita deploranda. Solus ad Deum Diuamque Virginem recursus  
superfuit : tota luctu squalida aula : quinque orationum Dominica-  
rum, quodâ die certo, instituta supplicatio, votumque subsecutum,  
vt Lezayscum, postquam incolumis mente & corpore, atque ex tam  
gravi morbo recreatus, existeret adolescens, pedibus adiret ; cere-  
umque, velut quendam suæ deuotionis obsidem, qui staturam suam  
referret, essetque sibi compar, gereret. Non irrita vouentium & o-  
rantium instituta. Vix enim preces ad Dei & Lezayscensis Diuæ o-  
pem implorandam effusæ, vix suo fine potitæ : recipit sanitatem hæ-  
res familiæ, designatusque Reip : ciuis, & omnis desinit esse insanie  
& dementiæ importunus machinator, & inconditus patrator. Pa-  
rentes ad votum explendum se, filiumque suum, cum cereo expedi-  
unt, & in hoc pharmacopolio, omniumque medicamentorum rece-  
ptaculo, grates Deo locique Diuinissimæ Præsidi exoluerunt, testimo-  
niumque tam singularis beneficij reliquerunt, ad facti memoriam :  
contestati nullum esse ita malum, quod non huius Dominae meritis  
leuari possit. Hæc Marcum Asmanitium Equitem Polonum, quæ  
in suo pago, Dębna dicto, Scytharum cohors dormientem adhuc, &  
in suo lectulo quiescentem latrocinio suo inuasit, tota cum familia do-  
mûs suæ, insperato hostium aduentu perterritum, cum spe & fiduciâ  
præfens euitandi periculum, ad hunc suum fugientem locum, qua-  
si centum equitum manu comitatum ( ita enim Barbaris visum  
est )



est) immani soluit seruitutis conditione. Hæc ab eorundem perditissimorum, libertatis prædonum vinculis Hedugim Viti-  
mam ciuem Colomiensem vindicauit, quæ cum alijs simul miserè plurimis captiuis trans Danubium deducta inter seruitutis & vincu-  
lorum grauitatem ingemiscens, delictorum suorum veniam im-  
plorabat, eorumquè detestata deformitatem, promisit se omnium  
illorum quorum conscia esset criminum, si perditissimorum leno-  
num manus euaderet, in hac Lezayscensi arenæ superædificata Eccle-  
siâ, adhibito iudice spiritali, ad cancellos excipientium sacerdotum  
confessiones, deposituram. Mirabile! vouenti & cogitatione tra-  
ctanti hæc, pedibus manibusque solutis vincula conciderunt, man-  
cipiumque vltro, sine vllâ luctâ, deseruerunt. Lætatur felix mulier,  
& datam sibi beneficio Dei facultatem redeundi ad suos sentit: oc-  
casione vtendum sibi proponit, cum exercitum somno onustum  
deserit, castris prædonum egreditur; sola deinceps nullius occurfu  
aut impressione lacepsita, ad Danubij ripam peruenit. Fluuium con-  
templata, & litore prærupto & multo aquarum æstu, transitu se pro-  
hibentem, quærit sollicito studio, quâ tamèn possit ratione supera-  
ri: nemo adest, qui se in scapham recipiat, qui se tristè & transfu-  
gam amicè compellet, qui se elapsam prædam cõsoletur, saluti pro-  
spiciat, suis suæquè patriæ reddat, vel saltè in aduersa crepidinis re-  
ponat parte: solus ei metus obuersatur, & qui certissimus est in dubi-  
is comes, vtrinque sibi imminet, ne se persequantur improbi manci-  
piorum Domini; proponitque difficile fluuij vadum, omnem spem,  
quæ sola hominem in miserijs consolari solet, eripiendo. Stat tamèn  
in littore, omnes circumspicit partes, quærit hominem, quærit rati-  
onem transfretandi fluuium, & cum ipsis indignata vndis consti-  
tisset, ac de itineris difficultate cum lacrymis fuisset conquesta: solli-  
citam littus, in quo steterat, subito abripuit enauigandi officio-  
sè sufficiens (Deo ita disponente) subsidium. Succumbit illa ru-  
inæ, & cum abreptâ ripâ vno lapsu concidens signo se victoriosæ  
crucis munit, atque passis palmis aquas est complexa. Res mi-  
ra! tali signo, quod nostram nobis restituit salutem, instructa pe-  
rire, cum pereundum esset, non potuit: quippè ita excipiens vn-  
dam, subito se in altera fluminis compagine suspexit. Quo tam  
singulari affecta miraculo, quasuis viarum spreuit solitudines, loco-  
rum insidias, nec itinerum obsessores verita, vnâ sibi hanc ade-  
undam, vt instituerat & intenderat, Virginem censuit, quæ huius,  
atque adeò cuiusuis loci cognitores, & fide bonâ cultores, omnibus  
eximere periculis dignatur. Cuius quidem gratiâ, cum nihil sit ita  
in rebus humanis sepositum, nihil ita periculis infessum, quod non  
F agat,

Cic: 4.  
Catil.



agat, non vindicet CHRISTVS: vestrum omnium, A.O. assensu vel  
 ab hoc vnico actu appellari potuit *Φανερόν τὸ κερὰ*, manifestum ni-  
 mirum, seu illustre robur ad suæ Matris vota facile veniens. Et verò  
 quæ in hoc LEZAYSCENSI Templo & ampla & magna pro ea,  
 quæ in MARIAM est DEVS, volūtate gerūtur, hinc assensione Catholi-  
 corū, illinc fremitū, ab orthodoxa religione exceptorū publicā obstre-  
 pūtur famā. Eques Polonus, funesto nostræ patriæ, Anno decimo sex-  
 to supra Millesimū sexcētesimū (quo & superius actū est beneficiū)  
 Ioānes Dabrouius, cum se ex profligata nobilitatis Polonæ acie, &  
 ex tot delectorū militū, florisque Sarmaticæ in captiuitatē bello Va-  
 lachia, cū insigni Reip: damno & squalore, abductæ numero, funestā  
 suorū perterritus clade in fugā, salutis suæ nō indecorē cōsulētē con-  
 iecisset, Pruthūquē fluuiū Cathaphractus trajcere incepisset; equo  
 excussus, ab armorum onere in fundo ipso fluminis cōstitutus. Ita,  
 qui modò inter confertissimas & multitudine barbarorum infinitas  
 hostiū acies ferro & viribus versabatur, in præterlabentes intruditur  
 aquas! Hoc tamē felicior, quòd insolentis victoriæ effugisset lasciu-  
 iam, hostilibusque suam eripuisset vitam armis: sed cū in eo se agno-  
 fceret positum termino fortunæ, spem omnem recuperandæ salutis  
 amisisset, omniq̃ue malo infelicior fuisset, nisi Deiparam Virginem  
 hominum calamitatibus adesse solere didicisset. Memor tandem  
 loci huius. LEZAYSCENSIS (credo memoriam loci deuotam  
 ipsius mentem sibi inspirasse, vel famam eorum, quæ hīc aguntur,  
 beneficiorū ingessisse) in hoc ipso receptæ, nisi aquis demoleretur,  
 salutis acturū grates tantique magnitudinem beneficij æternis tem-  
 porum & ætatum inscripturum saltis appromittit. Adest demerso,  
 vocata Mater, & suæ præsentia splendore atque claritate, incarcera-  
 to affulgens militi, per innum annis vadum, ad littus incolumē de-  
 ducit. Quod quidem ille, suæ salutis periculum emensus, adit suæ li-  
 beratricis adytum: sistit se ei, quæ suam vindicauit vitam, & transe-  
 ūdi inter decursus aquarū liberam permisit facultatem: Deo se, non  
 tam suo quàm suæ sospitatricis merito renatum impensè obligat &  
 substernit, receptamque miraculosè vitā, quæ violētiæ aquarū suc-  
 cubuisse debuerat, pro aris & focus, egregius Aquilæ Polonæ pullus  
 vouet effundendam, quin cuius insolentiam victoriæ, Othomanicæ  
 nimirum effugit, eiusdem Lunis fortius ferro persequendis animum  
 præparauit. O incredibile Virginis Beatissimæ, in eliberando homi-  
 ne studium! ô nouum seruati militis argumentum! Quid? ipso ar-  
 morum pondere in aquis volutari necesse erat Cataphractus, nec  
 vllā corporis & animi contentione de profundo aluei situ explicari:  
 MARIA Duce, lubricas centri orbitas & demolitos aquarum calles  
 perua-



peruadavit. Quidni nouum & inusitatum seruati militis monum-  
tum, in Virgine apparet ea, quæ terribilis vt castrorum acies ordina-  
ta, totos exercitus & castra, in metu hostium posita, sæpè ab impres-  
sione barbarorum, & fœdifragâ gente, defensauit. Quoties eam in  
prælio, vbi incerto dimicatur Marte, quoties eam sibi in defensio-  
ne vrbiũ, atque adeò totius Patriæ, ciues nostri, fortissimi viri, cla-  
rissimi: quoties Duces, adesse, fauere, patrocinari aduertunt? Næ ego  
hîc Serenissimorum & Inuictissimorum Poloniæ Regum, felicissi-  
morumque huiusce imperij Ducum singula commemorare benefi-  
cia à Deiparâ (à quo nomine cantilenam, Diuo Adalberto auctore,  
ad sua castra inductam ante conflictum, vnâ voce, eodem concentu,  
compari mente, Poloni solent exordiri) exhibita laborarem, nisi me  
in simili re Lezayscense etiam Templum informaret. Prouidit hu-  
ius loci celeberrima Præses, ne in geminâ causâ, communi castrorum  
præsidio, a se quouis loco & tempore implorato, Polonis deesset, vel  
longè abesset. Tantùm huic quoque dedit peripheriæ, vt cuius rectè  
credentium & Catholicam fidem profitentium necessitati, omni quæ  
periculo suffragetur. Testes sunt, æternumquæ erunt, appensi in  
hac sacra Æde labari, quos vertente anno à CHRISTO nato  
supra mille sexcentos primo & vigesimo, Henricus Annibal  
& Nicolaus Wiktor, è bello Chotimensi, feliciter & incolumes  
redenutes, perenne suorum castrorum seruatorum monumen-  
tum, reliquerunt. Loquetur posteritati Poloniæ, Marci Maliciij,  
qui eodem graui & periculis pleno bello pedites Regios & Palatini  
Rusiæ (quem nunc Cracouiensem suspicimus, qualem ac quantum  
virum!) suâ regebat clauâ, insigne reportati beneficij relictum.  
Hic enim (cùm nihil aliud in tam desperatis & luctuosis patriæ rebus  
agendum placeret) in periculosa castrorum oppugnatione, quàm  
ille nomini Iagellonico infensissimus hostis Caracas Bassa ad Choti-  
miam omni armorum equitumque suorum vi fecerat, factò visitan-  
di hanc Ædem proposito, suos socios ad supplicem Deo Diuæquæ  
deferendum libellum admonuit, & genu flexo exorandum Numen,  
nomenquæ Virginis Excellentissimæ, cohortatus est. Omnes, ma-  
ximum in his præsidium ponentes, paruerunt suo Præfecto, cui pa-  
rendi officium semper tenuerunt. Suis diffisi armis, deponunt ea,  
nec victoriæ in his collocandam spem, nisi cælo venerint vires, con-  
testantur. Vnius voti & animi cohors, tantùm sibi profecit, vt vnâ,  
quam expetijt, impetraret salutem. Etenim illis adhuc orantibus,  
& toto corpore animoque ad preces intentis, nuncius aduenit Ca-  
racas Bassam, grauissimum oppugnatorem castrorum, occisum affe-  
rens. Latè nuncio, totam belli molem ruituram, cùm Imperator &



Dux hostium caderet, inclamârunt, totisque castris gestientes, voti memores ad extremum confiterunt. Scitis A. O. illud bellum ita fuisse magnum vt vix ferendum; ita graue, vt in multa sui varietate vix consequendū nostris videretur: & verò vnius Virginis fauore & prouidentia, ad acerrimi, & fortissimi, prout ferebatur, Ducis casum totum corruit. Cū enim in huius ipsius, qui excidiū florentissimo Imperio Poloniae superbissimè machinabatur, atque suis nefario scelere susceptis armis minitabatur, salute vniuersa illa malefactorū capitum vis, & Machometicae prolis in nostrū malum cōsensio fuisset defixa: non potuit ille spiritum & vitam amittere, quin plurimum secum in eandem calamitatem traderet. Seruata videat Patria, quanto ad merita & preces Virginis, quanto ad Phanocratis (CHRISTVM intelligo) eam, quæ à se Matri debetur pietatem liberata sit periculo, & illam in hoc esse loco positam ad maximum suarum rerum præsidium gloriatur. Est enim hæc non eorum tantum qui corpore & fortunis, sed etiam horum, qui animo nocere mentemque affligere solent hostium Repugnatrix. Et si maior illis semper habetur grati animi significatio & memoria, qui mentem informant, meliori & potiori iure, quàm qui corpus perficiunt, probantur: quātam huic Diuæ laudem impertiendā censebimus, quæ se non ad corporis tantum salutem reddendā, sed ad animorum etiam quietem conferendam officiosè apponit? Neque vero mihi alia occurrit ratio, qua huius loci beneficium eo se extendat, vt & animi & corporis hostibus metuendam se præbeat: quàm quod CONSOLATIONIS dici haberi què mereatur. Sunt aliquā calamitate affecti homines; hic se suo tristi malo exoluunt: elicit ex aliquorum oculis lacrymas, funesta pereuntium, & iam perditorum facies; in copiosos lætitiæ alueos, hic illos conijcit locus: obsidet hostis munimenta corporis & animi; in se sui sceleris conuertet audaciam, cū sua & obsessorum studia in hac Lechicæ Patronæ reponentur cynosura. Verentur eam, quæ toti mundo peperit saluatorem, Militiæ cælestis Imperatricem, confertissimæ nostrorum hostium acies: reponunt in nostra latera conijciendos, defigiendosque in nostro pectore gladios, & quam nobis iniquissimè intentârunt seruitutem, eam in se coniectam paulò post conqueruntur. Nulla, ego puto, maior hosti depressæ licentiæ, quæ sint ab illo in armis posita, constare potest ratio, quàm irritos videre suos conatus, & bellū magno militum numero atq; summa vi armorum confutatum amittere. Quod verò grauior animorum nostrorum latrocinio opponi potest munimentum, quàm quod ex Deiparæ commemoratione forti fidelique prodit? Improbæ & infamæ hominum malè ominantium, & vouentium imprecatio, miserâ hominem



miuem exigua stipè Trzemfensem colentem agrum obsidione, Anno decimo quarto supra millesimum sexcentefimum, afflixerat, ad animumque & corpus occupandum teterrimum perfide inuitarat omnium vitiorum & scelerum documentum Dæmonem: in hoc caelestium beneficiorum emporio, commissam sibi deprædandi copiam, perditissimus leno deposuit, & amisit. Cum enim ad Imaginem hanc, quæ præsentem, & audientem Preces & suffragia hominum in hoc loco denotat, duceretur obsessus, in conspectuque Virginis calamitas, quæ à tãto malo profecta esse videbatur, exponeretur: egit contra iam in festum nefariumque hostem sacrorum Minister, quasi quibusdam validissimis ad euincendum armis verbis, illis *Per merita sanctissimæ Virginis & Matris, atq; per intercessionem illius, in hoc loco consolationis, præcipio tibi Satana, vt ex eas ab hac creatura Dei.* Pare: vincitur: recedit perditissimus latro, horrendæ vocis signo edito atque prolato: Ecce iam exeo, exeo. Et meritò quidē hinc malignum spiritum suâ impudentia & improbitas defecit. Nam si optimi & summi Imperatores, ac quorumuis administratores bellorum, maximum in opportunitate loci reponunt momentum, & locum beneficio naturæ, ingenioque munitum humano, satis acrem ad defectionem stimulum esse arbitrantur: hoc certè LEZAYSCENSE Sacellum ad animorum nostrorum latronem fugandum, est comparatum. Quis enim est ita infestus animorum nostrorum infessor, qui in hoc exhibitus loco non subito de fuga cogitet, ipsamque actutum moliat? Ita huius loci metuendus est hostibus nostris aditus, vt quâuis durâ seruitute miseram hominum conditionem expediat, & reuocatos improbissimorum flagitiorum authores ab immani facinore temperet. Darius Rex, locum quendam nomine Myrcinum ad Strymonem Thraciæ fluuium, Histiaeo Millefiorum Tyranno ob seruatam in Istro ratem donauit, vt sibi in eo urbem & domicilium excitaret. Non spreuit munus Regis Tyrannus, vt pote, quod animi & industriæ suæ perenne futurum esset monumentum. Sed Rex à Megabyzo copiarum suarum in Europa Præfecto de loci opportunitate admonitus, Histiaëum, ne fortè regnum Thraciæ inuaderet, Susum euocauit, & nunquam postea in Græciam redire permisit. Honestâ Rex fraude egit, ne infami postea nomine ob imminisum cum ferro in loci commoditatem Regni sui, vt putabatur, prædonem, notaretur. Satiùs duxit simulatâ tractare Tyrannum humanitate, quàm aperto & illiberali exhibere imperium latrocinio. Quid enim ille, nactus loci opportunitatem, non ageret? quid in suum, à quo accepisset beneficium, absentem, cum in præsentem nihil auderet, Regem non moliretur? ipsa illa eum ad omnem furorem tempestiua

Herod:  
lib. 4.



pestiua effrænaret possessio. Sed prudentis Megabyzi, tum in Regē, tum in regnum fides, quasi futurorum faciem videret, manum Regis ab eā liberalitate retraxit. Videbatur, credo, sibi regnum Thraciæ videre, Martis domicilium, atque furiosam bello regionem, subito vno incendio concidentem: cernebat animo, sepultum regnum, miseros atque insepultos acervos civium: versabatur illi ante oculos aspectus Histiaei, & furor in Thracum cæde bacchantis: proponebat quoque sibi regnantē Millefiorū Tyrannū, qui sibi suā immanitate & ferro imperiū in Thraces pararet: tum libertatē civium oppressam metuebat: quæ quia sibi videbantur, prout certē fuerunt, misera atque miserāda, idcirco in eumquem ea perfecturū esse credebat, ita institit ardentem, ut de oblata Regis gratia quā primū concederet. Age verò hīc (pyratā intelligo mētis nostræ fatanā) in possessionē animi perfidē vocatus hospes, quid non fecit? quæ ad oblata sibi occasione non adiecit? cum & omnes mētis impetus, arbitrio suo gerendos & regendos assumpsit; cum virtutum exercitia & vsum amovit; cum ad occupandā nobilissimā partem hominis omnē suam convertit facultatem, & procurationem confundendæ mentis suscepit. Qui nisi amicorū opera id, quod Virginis adiret regiam, suffecisset cōsiliū, fatalem parare animo, diem non desisset. O diuinum armamentarium, in quo omnium præsidiorum ratio reposita est! o scuto Minervæ fortius & certius nomen MARIÆ, quod expositum omnes hostium insultus comprimit! o felix LEZAYSCENSIVM camporum series, quæ novis inclarescit & facunda est fructibus! o gratiosi saltus, ex quibus tam vtilis prodeunt rami! hic tibi meta datur fatana: hic *confringes tumentes fluctus tuos*: hīc Deus constituisti terminos eius, qui præteriri non poterunt. Ad varias nimirum morborum dolorum quæ vices auerruncandas hīc locus est constitutus.

*Pausanias in Achaicis* Hic Æsculapius, id est, aeris temperies Hippolitum, hominem scilicet, ab equis discerptum, elementorum intelligo pugnam & indifferētam portionem, vitæ restituit. Hinc toxicati ad veneno sibi propinatam mortem depellendam, accipiunt amulethum: hinc obstetricantis Lucinæ opem, zonam soluentes fæminæ, in edendo facile partu sentiunt: etiam quos amentia & furor suus in Aventinos egit colles, in hac eminentis aggeris arenā deponunt lasciuam suæ licentiæ procacitatem. Quis numerando recensere, aut dicendo assequi potest, quæ & quanta huius loci maiestas homini largiatur beneficia? quæ par tanto Virginis merito inueniri potest in agendo oratio? quod imparem sentit in referenda gratia nostram A. facultatem. In dies ferè singulos, in hoc suorum miraculorum Teatro, Deus per merita & suffragia Virginis singulare exhibet beneficiorum specimina:

totos



totos annos, modò adsint inopes & infirmi (quorum hic orbis feracissimus est) qui materiam porrigant agendi, in hac luditur & spectatur arenâ. Succedunt hîc nouæ semper rerum facies, & noua operum forma, cum oriëte sole renascitur, ne plenitudo illa gratiæ, quam Paranympheus futuræ Dei Matri subscripsit, aliquam pati defectiōnem videatur. Quod in officinis, tabernis quæ mercatorum obseruari solitum exploramus: hoc in eo communi omnium nostrûm A-fylo Deus, ad suæ largitionis euidentius & luculentius testimonium, & meritissimæ Virginis cumulandam gratiam exercet. Solent rerum venalium expositores, & monopolæ suis addere aliquid mensuris, & staterarum pondus superpondio compensare, vt aliquod humanitatis & liberalitatis suæ apud homines extet monumentum. Quam Deus suâ præuenit benedictione, & quàm ab Originali tutatus est noxa Virginem, eam nouis & largè se effudentibus exornat gratijs, & opera operibus copiosè subijcit, miracula nouis miraculis humaniter cumulat. Si enim Diuinæ prouidentię in rebus his, quæ sub sole vegetant fouendis & impertiendis, eam suspicimus rationē, vt multa simul inducat vitæ præsidia. Quis enim non aduertit, quā cæli astrorumquæ clementiā, multiformes copiarum prodeant species, & semper addatur aliquid, quod maiori cum fænore, quàm creditum sit, veniat? Hanc nouis suis meritis fæcundam non debuit Deus facere Virginem, quæ omnium est fæcunditatum nomina in se cōplexa, & cum qua semper est manus Domini conuersata? Quid quod omnium nostrûm ratio id, quod liberaliter, quæ nostra est felicitas, multis agitur in locis, postulauit, vt cū nostræ sint ita infirmæ vires, vt ijs quos vis naturæ corruptæ defectus & frequentes rerum abortus sanare non possimus: haberemus talem aliquem rerû nostrarum obsidem, à quo talia nobis deferrentur, & qui nostras apud Deum ageret partes. Certè, nisi hæc Augustissima cælorum Regina, nostris fortunis, bonis saluti, vitæ rebus consuleret, multorum integritas desperatione resumendæ in afflictatione aliqua vitæ, fluctuaret. *Quod Tullius Marco Calio, Aedili Curuli, adscripsit olim. Noui* Cic. Epist.  
Fam. lib. 2.  
Epist. 14. *ego vos magnos patronos, hominem occidat oportet, qui vestra opera v-  
ti velit: idem ego, multo meliori & fidentiori modo, acerrimæ ac  
fortissimæ huic nostræ salutis vindici tribuendum censeo. Noui ego  
Te magnam humani generis Patronam, cæcus, naufragus, afflictus,  
mortuus fiat oportet, qui Te liberatrice vti velit. Tibi acceptam,  
tulit vitam Natrvvōzensis villa, recurrente anno à Tuo felicissimo  
& purissimo eodemque sanctissimo partu, supra mille sexcentos,  
quarto & vigesimo, cū sui Domini filiam vitæ restituisi amissæ,  
quam vix nata perdiderat, quin immò, cū eius infantis adhuc lin-  
guam*



guam erudiisti, & repugnante naturâ, cùm citra ipsius ageretur tēpus, ad enunciandum illud iam tandem adegisti. Tu subsidiariam præbuiſti operam Michaëlis Moſſini conſorti, quæ incuſſionibus Tartarorum perterrita, fugâ ſibi quaſiuit ſalutem: eandem partui, quem vtero geſſit, incitato ſuo grefſu (equi enim in tanto negotio acrius acti conciderant, nec proſequi curſum poterant) præcluſit. Funestus Matri ſentienti caſus, triſte querelas Coniugis excipienti Patri ſpectaculum: vterquē parens animo & corpore laborat, alteri eorum inualeſcente vi doloris. Ipſa mater in ſe effodit ſuo ſepulchrum fatui, & quæ vitæ ſubſidia ſalutiſque alimenta optatiſſimo depoſito ſufficere debuerat, hæc mortem potiùs, quàm vitam comparauit. Conſuluntur in arte Medica verſati; frequentantur apothecæ: pretio parantur ea, quæ demortuum euocare poſſent pignus, medicamenta. Nihil proſicit: nobilis ſæmina cum dolore ſine proliſ editione parturit: quam fugâ recepit ſalutem, hanc intercepto ſuæ domûs ſolatio in diſcrimen adductam deplorat. Ex ſanguine onus detinetur Menſe, nec alterius iam maior pars menſis expedit exanimè corpus. Te, ô lectiſſima Virgo, exemplarque Virginum MARIA, implorandam conſuluit luctuoſa parentum faciès: ad Tuam hanc Auguſtiſſimam Templi fabricam accedendum præcipit dolor, quo grauis & conſecta matrona, in hoc Tuum Natum, Tequē exorat loco, Tibi ſe afflictam in hac Cōſolationis Æde proſternit. Audis ſupplicem, quia vides triſtem, & ſqualidam doloreque cumulado egredi eam iubes; & anxiam graui curâ & virium defectione proximum ingredi tuguriolū cogis: paret illa immiſſo languori, atque ſe (cùm interim conductæ decantantur Tibi Litanix) diutinâ exoluit ſarcinâ. O nobile Conſolationis receptaculum, in quo afflictionis inuenitur modus, quod ſollicitudinum definit terminos, cuius aditum, difficultates morborum metuūt, ad cuius veſtibulum omnis timor alliditur! Fingat ſibi chimeras omnibus circulis & tonſtrinis ridenda vetuſtas, atque ſuis circumforaneis circulatoribus fidem & locū habeat. Glorietur Claudiam veſtalem ſeſe diſcinxiſſe, zonâ ſuâ nauem, quæ nullâ vi remigum, velorumque ope, loco, cui adhæſerat, poterat moueri, aligâſſe, & quamuis in partem flexiſſe, & ad Tiberis compagem appuliſſe. Prædicet Tutiam Veſtalem, ad Capitolium, uſque aquam Tiberis, cribro hauſtam, detuliſſe. Venetur auram apud imperitum vulgus Tarquinio ſuo, quòd cotem nouaculâ diſſecaret. Clamet vt ab vltimis etiam ſuorum errorum ſocijs audiat, Veſpaſianum dediſſe cæco lucem, & oris ſui ſaliuâ, Alexandrino reſtituiſſe oculos ciui. Vnam ego fidelium CHRISTI Eccleſiâ, immo LEZAYSEVM illius opponam gloriolis: mouebit certè camarinam,

Tacitus  
lib. 4.

FINIS



rianam, cum eorum, quæ nostrâ fiunt atate, veritatem cum suâ cōferet vanitate. Nāque illa cæci curatio, non cœlesti fauori & Numinis inclinationi, quod Tacitus ait, attribuēda; sed potius Appollonij Tyanæi Magorum omniū celeberrimi, & ipsi Vespesiano cōiunctissimi, præstigijs, & cū Dæmone commercio. Atque etiam illud, quod Tertullianus, grauissimus & nobilissim⁹ Ecclesiæ Doctor, vsurpat, futili eorū cōmento subruēdo lubēs adscisco, Dæmonē illi oculo infedis, vsūque illius impediuisse, vt videretur Imperator sanare, cū desineret elusor infidelitatis & præstigatorum princeps nocere. Ita quæ illis temporibus vera sunt visa: nos ea, vt procul à fide Orthodoxa abhorrentia, detestamur. Cū enim veteris æui homines diuinam potentiam & Numen suis Ducibus, & in re aliqua egregiè acta atque transacta probatis viris tribuerent: prædo animorum nostrorum, ad eorum tantos errores inuigilabat, & benè administrandi res copiam suppetebat, vt id, quod ipse sibi, cū esset adhuc in illa beata, ab omni corporis contubernio segregatorum spirituum cohorte arroganter & superstitiosè vendicauit, commune faceret Deo & hominibus. Nimirum, sui fastūs & temeritatis in animos hominum ingesserat sementem, vt mundus improbè concepto tam impio semine, generaret Deos, qui sibi & nomina & Thronos Diuinitatis erigerent. Erat hoc superioribus annis, A. vt passim Dij Dominiq; Cæsares & Reges audirent: cuius rei authorem fuisse Dæmonem agnoscere vel ex eo possumus, quod ad CHRISTI aduentū talium nominum, & soli Deo debiti honoris, vsus & vendicatio cōcidit. Suscitauit nunc Deus tot suæ agnitionis & scientiæ documenta: probauit tot beneficiorum indicijs, tot locorum beneficijs, in se omnem ponendam spem, à se quamuis implorandam opem: dedit vnā hanc Virginem, virtutum omnium, ac singularem meritum compendium, quæ inter se & hominem, pacem fædusque faceret, ipsam se pro nostra interponeret necessitate. Quam quidem non suarum tantum gratiarum, & meritum fecunditate, ornauit, sed etiam plerisque eam in locis miraculorū manifestauit insignibus. Quid enim ille, Matri suæ non debere se agnoscit? an legi suæ, quā de honorandis parentibus instituit, suo exemplo quicquam derogare intendit? Marciusnè Coriolanus, aliās ad omnium preces surdus & inexorabilis, Veruriæ Matris suæ preces paratior esset exaudire, quā CHRISTVS MARIÆ? Rigidior profectò legis obseruator debet esse is, qui eam condidit, quā qui ad parendum ei natus. Afferunt sibi licentiam violandi leges licentiosi nepotes & Imperiorū successores, vt quarum ferendarum ipsi non extiterūt Authores, mutandarum volunt haberi principes. Perstringunt sæpè aures ciuium

G

& affli-

Dionis.  
Halic.  
lib: 8.  
antiq:  
Rom.



afflictorū hominū, vocibus illis Caligulae *omnia ipsis & omnes licere*: & illis cum perfido iustitiae prauaricatore. Sallustiano Memmio, *imponere quodlibet facere*, id est regem esse. Qui verò principes extiterunt ad proclamandas & rogandas leges; iidem ad exemplo suo tuendas primi prosiliunt, ut quæ rectè viuendi instituta consilio suo induxerunt, ea seueritate & rigore stabilita suis relinquere posteris adlaborant. Ne aliquod suæ præiudicatæ legis, quam Locrensis tulerat, adulter oculis orbaretur, extaret venturo tempori argumentum, cum in suo eam filio, vnico quidem, sed adultero, exequi preces non liceret populi, communione sanguinis, non sceleris coniunctione, se vnum esse cum filio asserens, ut saluaret suam legem sibi vnum, alterum filio erui oculum iussit, non melior legis lator, quam tutor & obseruator Zaleucus. Publicæ pacis & otij defensor Charundas, Thurijs edixerat legem, ne quis cum telo in concionem veniret: qui secus fecisset, capitis reus esset. Euenit, ut ipse ex longinquo rure veniens faceret Concionem, ad eamque sicut erat, armatus accederet, ab eoque, qui proximè constiterat, locuta à se legis suæ monitus: Me hercule, ita est, inquit; sed idem ego illam sanciam, ac protinus ferro, quod habebat, districto incubuit. Ita ille debitum supplicij modum legi reddidit, cum se & misericordem patrem & iustum legislatorem ostēderet: hic ne qua iustitiæ fraus fieret, panam repræsentare maluit, quam cum licitum sibi esset vel dissimulare, vel errore culpam defendere. Et verò CHRISTVS non tam ex vi legis, quæ nullam imponere potest Deo necessitatem, quam suæ Matris merito præclaris eam exornat honoribus: ut quæ suo complexa est diuinitatem vtero, eamque humanitatis circumduxit specie, in præmium tantæ hospitalitatis, à Filio præclaram & gloriosam honoris prærogatiuam reciperet. Nec profectò magis pro illo officij studio, ECCE ANCILLA DOMINI, manere debebat Virginem MARIAM authoramentum, non fertilior gratiarum sementis, quam ut cum hanc mortalitatis stationem castè, purè, integrè, prudenter, innocenter, & penè diuinè expediret, supraque beatarū Mentium Choros, Diuorumque Thronos extolleretur, nihil mundo relinqueret aliud, nisi & sui nominis iucundam salutaremque memoriam, & humani generis liberalem, facilemque defensionem. Et quanquam suffecisset Clementissimæ huic nostrarum rerum Patronæ, tanti Filij, Mater audire: cum tamen hominum causas apud Deum agendi, de nostra salute votis & precibus dimicandi, ad nostros recreandos defectus indignationem Diuinam inclinandi accepit potestatem, magno se cumulata Dei beneficio deprædicat. Quod tantò ei lubentius obtulit Deus, quò se demissius eius subiecit volun-

Valer. max.  
lib: 6. cap.  
5.

Idem i.  
bidem.



rati: atquē illa hoc fideliū retinet datā sibi eam pro nobis agendi  
 nobisquē proficiendi auctoritatem, quod cū genuisset Deum, no-  
 strum omnium meruit Mater appellari. Quanquam in hoc nomi-  
 ne diuersam habet conditionem: à Filio enim, quem vindicandæ  
 salutis nostræ causā conceptum sustinuit, vagientem pauit, ætate  
 proficientem seruauit, ad extremum vitæ spatium non deseruit, cū  
 & patientis in se tulit dolores, in impetrando honoratur; à nobis in  
 postulando sollicitatur & imploratur. Singularis nimirum ac propè  
 incredibilis Augustissimæ Reginae Cælorum in Orbis, atquē adeo o-  
 mnium nostrū custodienda salute labor ac fides, multos sibi eosq;  
 iam eximijs insignes beneficijs ad tantum studium exercendum su-  
 spicit inauguratos locos; vt cuius officium semper humano generi  
 saluti est, huius auspicatissimo Nomini omnium temporum ac lo-  
 corum ratio & fortuna suffragetur. Censent homines omnia sua vi-  
 tæ præsentis commoda, fortunas, rerum apparatus, auri & argenti  
 cælati vim, ipsam demū salutem ac vitam seruata, huic soli se-  
 cundū Deum esse referendam, in cuius beneuolentiā, præsidio, cu-  
 stodiaquē, sine vllō amittendi illa vniuersa metu, conquiescunt. Ita  
 & eorum, quæ seruantur integritas, & eius Virginis, quā mediante  
 omnium bonorum copia defluit, auctoritas propè suo iure exigit, nō  
 vnius temporis & loci debere esse id, quod acceptum est; sed dignum  
 censerī, vt omnium notitiā & aspectum adeat, ingrediatur, subeat.  
 Quis enim succenserebit, aut ibit inficias? tantum illi, cuius beneficio  
 id quod vel maximum in vita expetitur, aut amissum, restitui-  
 tur, aut diminutum, reficitur, concedi ac tribui: quantum hu-  
 ic, qui eiuscē rei author & princeps sit, vix conceditur & tribui-  
 tur? verumenimverò maioris est occasio lætitiæ, eam rem quam  
 cū possideas, restitutam capere, quā nunquam antea posses-  
 sam, obtinere. Pluris eum sæpè facimus, qui nos vel naufragio  
 absorbendos, vel ferro hostili occumbendos, vel igni supposito in  
 cineres demoliendos, siue ruinā quauis aut casu conterendos, morti  
 inquam viciniore, quā saluti propinquiore ad vitam restituit,  
 procellas & æstus vndarum componit, tela in nostrum educta iugu-  
 lum hebetat, flammā & incendio eripit, molem, quominus oppri-  
 mamur, sustinet: quā eum, qui nondum quicquam aduersi per-  
 pessos, communem hanc quā aspiciamus lucem, & quā fruamur  
 vitam, & quā spiremus, animam inuitat & accersit. Cū enim du-  
 biam hīc, qui producendis nobis suam impendit operam, viuendi  
 dederit rationem, à quā iuxta alienam & remotam, ille qui seruandæ  
 ac tuendæ nostræ saluti studuit, suffecerit: maiorem nobis, qui  
 seruat, quā qui nos generat, præstare putatur gratiam. Quid quod



nos nascendi beneficium & futurorum metu affligit, & praesentium funesta specie deterret malorum; seruandi fides, & venturis praesidet, & instantibus opponit vibices periculis. Incertam ingressus vitae orbitam, qui natus est: vnā indubitatā, eamque felicem temporum suorum accipit vicem is, quem vindex & assertor suae libertatis in bonorum conuertit partem. Non beneficium tantum agere, sed nomen etiam parentum mereri videntur ij, qui nostrae salutis, fortunae, conditionis tutores extiterunt, defensoresque audiuerunt, & si quod officij ac pietatis exposcunt argumentum, tantò studiosius tribuendum est illis, quantò contentiori passu, in ornādo nostro nomine, & dignitatis censu restituendo, elaborarunt. Pater patriae audiuit Tullius, quod populum Romanum, atque adeò illam orbis vniuersi domicilium urbem, ferro ciuili, aestu domestico, flammā suorum, bello intestino, prohiberet. Conflagrasset illa omnium gentium ac nationum norma, aequitatisque publicum exemplar, ciuium discordia: nisi opposuisset suae orationis vim Catilinarijs motibus, Syllanis proscriptionibus, Antonianis conatibus, bonus ciuis & Pater Patriae Cicero. Et verò cum seruatos homines censere cupio, eorumque vitae restitutae ac salutis receptae principem exquirere: mea me, atque adeò omnium vestrum Auditores recreata, & erecta integritas impensè admonet, non extitisse, secundum Deum, vindicandae & liberandae humanae conditionis principem maiorem, quam eam Virginem, quae omnium rerum & bonorum authorem Deum vtero complexa, omnium est gratiam & agendi facultatem praetergressa. Haec est humanae salutis tanta & tam benigna assertrix, vt nisi haec suae benignitatis sinus & fauores nobis exhiberet, paucorum pana, quod in tanto & tam periculoso insidiosoque vitae curriculo vix optandum videtur, nos omnes salui esse non possemus. Haec cauet, ne quis impune intereat: haec prouidet, vt indignantem delinquentium audaciae Deum de concepta puniendi seueritate deducat, & cum sua Materna pietatis viscera, quibus Deum & Hominem paut, aluit, lactauit, ostentat, emittendos ad obruendum nostrum nefas Diuinos furores in lenitatem & clementiam transformat. Haec nostri corporis vitia & naeuos corrigit: eaque, quibus vel natura nos deflorauit, vel casus mutilauit, vel improba incumbentium hostium vis affecit, liberaliter implorat. Haec ad excutiendum veterum, animi praesidia, rationes, modos, documenta subrogat. Haec dolore confectos reficit, languentes excitat, iacentes erigit, & virtutis obtinendae ac tuendae sufficit facultatem. Et quanquam omni in loco, & omni tempore, nostrae calamitati leuandae vocata adest: praecipuos tamen conferendorum beneficiorum locos sibi deponit; non quod locorum

viciniae



viciniæ, & Colonia, municipiaquè paulò remotiora, difficilem eam in suis votis & angustiis sentiant, sed quòd necessitati nostræ singulariter prodesse, adesse semper cupiat. An exile tanti in nos studij monumentum est locus hic LEZAYSCENSIS, quem tantis iam miraculis illustravit? An hic pauca, poscentibus suam opem, erogavit beneficia? an se hic illiberalem, & inhumanam præbuit alicui, ut eum non voti compotem dimitteret? sed non tantum ex his MARIANIS locis certa & firmissima vitæ adminicula referimus: sed accedit etiam nobis in fide robur, & contra quosvis fidei rebelles validissimum munimentum. Voluit nempe Deus, ut sibi fædere Sacramentorum, fide suorum Diuinorum effatorum, religione sacrorum, secundum ordinem Melchisedech institutorum deuincti homines, his, quæ citra opinionem, & naturæ ordinem, ad Aras & Icones Diuæ fieri videant, firmiores euadant. Et quantumuis tantis iam præsidij abundemus in Ecclesia Catholica, ut maioribus indigere non sit necesse: cum tamen etiam hoc præsidij Dei munere adueniat, nostro bono id factum putemus. Est quod nos in Ecclesia & delectet, & retineat; est quod in lucta confirmet, post pugnam coronet. An enim non satis est, quòd eorum, quæ Orthodoxæ religionis recepit panegyris dictorum factorumquè sit constantia? quòd inter tot tenebrionum fannas, & procellarum voragines, fidem nostram nunquam sentiamus naufragari? quòd vna eademquè, apud diuersæ licet vitæ & morum homines, sit rerum sacrarum administrandarum ratio, vnus idemquè ordo & vsus, atquè successiua summorum Pontificum in prora huius Navis CHRISTI residentiū potestas permaneat, vigeat, teneatur? Cum verò etiam hæc summus summæ Matris Filius per eius intercessionem & merita operatur: magnum est ad nostram fidem confirmandam & stabiliendam argumentum. Publica id professus est voce D. Augustinus Doctor Ecclesiæ, de Ecclesia scribens: *Contra E-  
pist. Mani-  
chai Cap. 4.*  
*In qua me tenet, inquit, populorum ac gentium consensus, sacerdotum item successio, ab ipsa sede Petri Apostoli ad presentem Episcopatum, authoritas, deniquè miraculis inchoata, spe nutrita, charitate aucta, vetustate firmata.* Atque etiam illud ex eorum spectaculo miraculorum procedit A. O. quòd tantarum admiratio rerum, quas in Ædibus purissimæ Virginis fieri, toties humana, experitur calamitas, eorum, quos vna fides, vna Sacramentorum doctrinæque regula in Ecclesiâ sustinet frequentiam, atque adeò ipsa tantæ rei fama & gloria ad inuisendas sacrorum areas locorum incitat & admonet. Confluit diuersa hominū multitudo, non tam curiositatis explendæ gratiā aut celerrum cursorumque officij defungendi causā: quàm ad suæ tristem repellendam sortem vitæ, & imprimis ad debitas Deo pro tam singulari



lari eius merito gratias impense referendas. In his locis, multorum studia in eadem conspirant vota, in vnas Dei Matrisque eius integerrimæ laudes consentiunt: in his varia exposcentes pro suæ diuersitate necessitatis, dispari, eodem tamen diuinæ clementiæ sinu, cumulantur beneficio: ex his, tâquam ex Ægypti septenni horreo, in summâ bonorum animi difficultate & inopiâ, luculentissima reportantur vitæ subsidia. Iam verò temeritatē peruersæ credentiū condemnare, & obscuras animorum nubes huiuscæ rei ratio solet illustrare. Quem enim res nouæ & extra omnem expectationis aleam positæ à scelere, non deterrent? quem non in recto statuunt vitæ atque actionum genere? quis ita ferus & immanis est, qui tales Ecclesias non vt docentium exedras & quædam lycæa sibi esse censeat, quæ se cognitionem Dei Diuinorumque edoceant? Quid quod Hæreticorum sectas & perfidas opiniones, ex tanta munerum ac beneficiorum Dei serie consurgat ratio confundendi, vt & stultitiam eorum conuerti necesse sit in furorem & scelus, quod improbe sunt Ecclesiæ machinati in execrandum liuorem. Cùm enim locis sacris obedire, quasuis corporum afflictiones, fugari omnes animorum obsessores, obrui nouercantis fortunæ machinas, extingui funestos periculorum, metus vident: pallent, liuent, contabescunt, affligantur. Optarē hic, vt isti Catholicæ rebelles fidei, tam illustri & incredibili propè miraculorum expectatione, ad verum CHRISTO merendum stipendium, & eius integrè fidem profitendam ducerentur: nisi scirem multos eâ ratione, errores, impiè & stultè conceptos, deseruisse. Sunt Deo multi, ijquæ efficaces modi, quibus ad sui cognitionem propellit infideles. Verum enimuero funiculus hîc, quo nos suorum beneficiorum prodigiosâ copiâ trahit, iuxta quàm potentissimus est. Si trahit sua quemque voluptas, hunc opum, hunc ludorum, hunc rei cuiuspiam alterius, tu Deus mea vna voluptas sis, & à te hic trahar, & à mundo abstrahar, dum eo perueniam, *ubi torrente voluptatis tuæ potabis tuos*. Trahe Deus in funiculis Adam, in vinculis charitatis: currimus in odorem vnguentorum (miraculorum inquam Tuo beneficio proficiscentium) Tuorum. Nempè, ita Deus interno quodam suasu & suâ gratiâ, tacitè mentem instigante ad se vitiorum & errorum cuniculis, irretitas animas cogit, atque ad cælestem suauiter gloriam disponit. Hac vsus est ratione, in illa prostituta & sui copiam faciente muliere, à mundi illecebris, ab illicito corporis questu, ab immoderato & insolenti cultu, ab (vt extremum id ponâ, quod summum & maximum est) obliuione sui reuocanda. Quod enim erat genus voluptatis, quæ illecebra iuuetutis, quod probrum deformitatis

osen.



mitatis, in quo se Magdalena non exercuisset? cùm verò Deus ita in malum succensa præcordia, meliore temperat elemento, quod non virtutis simulachrum, quæ non pænitentium Imago & exemplum extitit Magdalena? Magdalena enim illa, & illud ciuitatis in exhortando, inducendo, impellendo ad vitia spectaculum, terrestris & feralis vrbi orbiquè cometa, & quauis stellâ crinitâ formidabilior, calamistris ornandæ comæ, comédi capitis, cerussandarum genarum, purpurissandorum superciliorum maximè quondam studiosa mulier, quæ quicquid mali aut sceleris fingi excogitariuè posset conceperat, quæ alios ipsa amârat turpissimè, aliorum amoris flagitiosissimè seruierat, alijs fructum libidinum fuerat pollicita, quæ vino languida, cibo confecta, fertis redimita, vnguentis oblita, debilitata lasciujs, corruptrix & corrupta, inter conuiuantes accubârat: hæc tamen Diuino beneficio omnium suorum deposuit vitiorum deformitates, & nihil magis quàm suam comam cometa, & crines crinitissima desputauit; quin immò nullum se maius & indignius facturam esse testata facinus, quàm si, comptissima olim fæmina comeretur; iam

*Quod voluit, spernit, repetit quod nuper omisit.*

Horat.

Eadem ita melioris vitæ ingressa callem, mutatos vique eò præbuit affectus, ad sui sceleris & licentiosæ vitæ socios, cum quibus industræ subsidia, & instrumenta virtutis, in libidine audaciaque consumeat, posset in clamare, quod fecisse eam & intendisse non dubito, *qui secutus es errantem, sequere penitentem.* Quàm facile patuit celestis gloriæ aditus illi pendentem à CHRISTI dextro latere prædoni? quàm exigui laboris ingens præmium & nouissimè vocatis omnibus in vinea Dei operarijs æqualis merces? ducem se illi & autorem interior inspiratio præbuit. Atque etiam hîc fideles Euangelij præcones testes appello, quot sunt & saluti restituti & à tenaci suo deiectioni animo? cùm verbi & doctrinæ celestis vsi sunt instrumento? an paruum ad depugnandas hominum mentes in verbo Dei vllus posuit præsidium? an non suffecerat illud vnum & felix verbum SEQVERE Apostolis, quominus suarum curâ facultatum, & vitæ sustentandæ sollicitudine ampliùs tenerentur? Huius prædicatio verbi Samaritanam in Dei cognitione & scientiâ constituit, eandemque ad viuæ præsentiam fontis copiosissimè refecit. Ego verò existimo, singulare esse amoris Diuini indicium, & humanæ felicitatis non vulgare documentum illud, quod in vocatione hominis ea, quæ calamitatum fieri solet obsequio, consumitur. Eam enim accedendi ad Deum, viri cælo dignandi, affecuti rationem tantò se magis affligerunt, quanto commodiorem, quàm vllam aliam datam sibi progrediendi viam cognouerunt. Nisi D. Paulo calamitas obrepisset, vas electi-

D. Ambra.



electionis non fuisset, Doctor gentium non euasisset, ferro persequi Christianos non cessasset, meliore suâ vitâ cælum non meruisset, nec ad illud eâ viâ, quæ est Christus, contendisset. In maximâ felicitatis parte, posuit sibi D. Augustinus, quod Dei consilio affligeretur: quin gratias Deo egit, quod sibi ad vota nihil succederet, cum adhuc ea, quæ mundi sunt, sectaretur: atque hoc demùm ipsi sibi profecisse, quod versaretur inter angustias, quæ nisi obuenerent, fore, ut partem cum CHRISTO non haberet, existimauit. Inter hæc tanta vocantis ad se Dei monumenta, superest hoc, in quo mea exultat oratio, miraculorum præsidium. Cum enim & illis temporibus, quæ felicissimo fructu consuetudinis CHRISTI utebantur, & hisce nostris, facta Dei multos à fide alienos reuocârint, in fide & operibus fidei incedentes confirmârint: cum hæc etiam nunc agantur, magnam ponimus vim in miraculorum spectaculis. Quorum edendorum varia quidem in diuersis locis excitauit & reliquit, suis suorumque trita vestigijs, theatra: quæ tamen in Matris suæ Templis erexit, magnû afferunt ad res nostras tutandas momentum. Abscede hinc & digito compeſce labellum Sallusti, nihil tuis hîc proficies verbis, *Non votis, neque supplicijs muliebribus auxilia Deorum parantur: vigilando, agendo, benè consulendo prosperè omnia cedunt.* Noster enim Protector Deus id, quod Salomon Bersabæ Matri suæ dixit, ingeminat fre-

3. Reg. 2. quens; *pete Mater mea: neque enim fas est, ut auertam faciem tuam.*

*Tuus, ô inquit Regina, quod optes,*

Virg. 1.  
Æn.

*Explorare labor, mihi iussa capeſſere fas est.*

Non potest is Deo inuiſus eſſe, qui eius Matri ſe totum deuouet: nec potest a recto pietatis & officiij longè abeſſe termino, quem votorum ratio locis, qui titulo Diuiſiſſimæ Virginis ceſſerunt, coniungit. Felix Reſpublica, felix eſt Ciuitas, quæ Mauſolæum Potentiſſimæ ex fundamentis eductum Duciffæ & Imperatrici religioſiſſimè incolit, & ſubſidio ſibi comparat. Habet ſuam Roma gloriam, quod ſit vniuerſalis Eccleſiæ ſedes & domicilium Orthodoxæ religionis: habet quo gloriatur, & ſe cæteris præferat vrbibus, atque adeo toti orbi ſuam prædicet dignitatem, vt pote in quem religioſi imperij ſuſtinet habenas: Hoc tamen eſt felicior, quod cuius eſt toties experta clementiam Virginis, eius ad æternam facti memoriam magnificè ex tructa, ſumptuoſè elaborata, frequentat Tempſa, & beneficiorum nomina iſſdem ſacris impertit ædificijs. Eo enim conſilio ſtat auguſta Templi fabrica inter huius vrbis, quæ totius eſt quædam curia & prætorium orbis, mania, De populo appellata, quod Deipara Virgo afflictû populû Romanû, & in funeſtis poſitû anguſtijs, toties recreâſſet. Extat & alia *Conſolationis Eccleſia*, cui ſic appellandæ princeps & author



& author Deipara superfuit, quæ in hoc loco multorum tollit languores, & pluribus vitæ tristioris ac deiectionis excutit indices, optata, concepto inter venas dolori, suppetendo solatia. Quid Senensibus ad felicitatem deesse? quid ad Ciuitatis suæ securitatem amplius videtur comparandum, quorum Vrbi in primario residens Templo fospitatrix humanæ salutis præest. Hi enim non suam, quam ipsi incolunt, urbem prædicant esse: verum sub cuius nomine deuotionis suæ receptaculum subsistit, huic tanquam legitimo & recto titulo assumpto possessori, ciuium bona & tecta ciuitatis, imperiumque hoc quod Senatus habet in populum, publicis Senatus Cōsultorum notis, & monetæ signaculis, *Sena vetus ciuitas Virginis*, adscribunt. Habet Bononia montem, in quo MARIÆ implorat frequentius opem, & liberalem eiusdem experitur voluntatem. Est vbi Sicilia suas curas & necessitatum libellos deponat exquirendarum, cum ei Dreponitana vrbs, velut illa veteris Romæ spolijs hostium insignia Rostra, multis illustrem & notabilem miraculis aperit & honestissimè seruat Regiam Cælestis Reginae. Lucet adhuc, æternumque miraculo lucebit candela, ad depellendam aëris pestilentis intemperiem Atrebatibus à communi omnium nostrum, seruatrice oblata: quæ quantò sapius accenditur, tantò maiorem sui excitat in populo religionem. Namquæ despumat & stillat guttis cerei sui alimenti, & vero depascitur igne conceptamque omnibus, præbet visendam flammam, nequæ tamen consumitur, sed integras sui, extincta pro arbitrio & voluntate ciuium, retinet partes. Ad cuius quidem rei ita stupendæ frequentius experimentum approbandum, Summi Pontificis accessit voluntas, ne quid religioni talis ac tanti cerei, ex quo sic copiosa flueret vena, vt decies mille, ex se formandos, daret cereos, detraheretur, atque nulla eius ratio vulgaris, sed omni exceptione maior haberetur. Viget in Hispaniâ, pulcherrimæ eius Virginis, quæ sponsi præconio tota formosa est, cultus, quem in monte Serrato ad Aquas Lupias, & domestica, & peregrina obseruat gens, multisque se expedit difficultatum & curarum cuniculis. Quâ ego felicitate dignatam dixerim Italiam, quæ eam Domum, in qua suorum natalitiorum Deipara exegit memoriam, cælestis Oratoris excepit Legationem, Sancti Spiritus gratiâ obumbrata Deum est ytero complexa, eundem Thalamo suo susceptum vegetantem sustinuit, crescentem aluit, & cum adulesceret, non parua ætatis parte instituit, veneratur? Magnum equidem huic regioni præstitum est beneficium, singularis exhibita gratia, quæ non humano consilio, non cruento Martis conflictu, non alio quopiam possidendi, redimendi, exportandi studio: sed cælesti Lauretanam

H

sibi Æ-



sibi, Ædem oblata suscepit ministerio. Cum enim Cosoroës Persarum Rex, Palestinam Christianis ademisset, vrbisque Nazareæ possessionem armis emisset, vt & facundissimæ cubiculum *MARIÆ*, quod Nazaræis manibus includeretur, in suam venisset potestatem: Angelorum manibus in Italiam transportatum est Virginis domicilium. Mundi hîc fidem totius appello, vosquæ ipsos A. O. obtestor, ipsamquæ loci illius dignitatem & gloriam imploro, vt hîc loquatur, vt longe disertius me ipso, quæ mea est tenuitas, testetur, quæ in illo omnium gratiarum & donorum Sacrario, nostri socij, homines vno verbo, referunt beneficia. Quidni ille omnibus debeat stillare bonis locus, in quo plenitudo gratiæ tributa est Virgini copiosè? Quidni salutis depromenda sint ex illa sede præsidia, in qua primum salutis nostræ recuperandæ Auctor operatus est? Quidni perfacilem homo sentire possit Deum in eo loco, in quo vltro suscepit humanitatem, vt eâ Diuinitatis suæ splendorem obduceret? Verumeniuero si diligentius ea, quæ in nostra Polonia, atquæ in omnibus colonijs, municipijs, prouincijs, ad quas imperium Iagellonis nepotum sese extendit, huiuscæ Virginis gloriosissimæ, nomine & munere aguntur viderimus, inter alias felices vnâ hanc nostram Patriam antiquissimam & sanctissimam parentem, quodiam studiosè fecimus, ponemus regiones. Quid enim *CZESTOCHÓVIENSEM*, *GIDLENSSEM*, *Piotrkouienssem*, *Socalienssem*, *Miedzyrzycienssem*, *Xiezomieszenssem*, adhuc impubem, & nunc recenter ortam, multisquæ claram miraculis *Podcaminenssem*, deuotionem decreuit, constituit! Annon Materno dignatæ & dignissimæ Virginis titulo, dexterrima eaquæ liberrima in nostrum genus propensio? Lithuania an parum debet Zorauienti pietati, quæ in Matrem Dei, Matrem totius generis humani, passim exercetur? quid se non debere agnoscit ei, cuius Imaginem religiosè habet, Virgini, à qua tot insignes beneficiorum censet ordines? Quid demum hæc, quæ *Lezayscensis* peripheria suspicit, volunt aliud, quàm ipsam se Poloniae sospitatricem, spontè ingessisse, & benignè (liceat verbo vti) intrusisse in nostrum præsidium. Hæc etenim felix in tenacissimo, & quod facilè vestigio cedit, fabulo excitata munitio, est commune omnium, quos vel afflictio tenet aliqua, vel deuotio in *MARIAM*, refugium. Vtriusquæ rei & exempla & momēta, Aud. pijsimi, accepistis. Patet enim hic locus omnibus omnium ordinum hominibus, qui siue ad suorum malorum depellendam iniquam sortem huc confluxerint, siue ad suorum animorum declarandum studium, quo in loci Potentissimam præsidem tenentur: illi referunt gratiam, hi præmium. Hîc multi proximè & secundum Deum acceptam referunt Virgini vel incolu-



incolumitatem ex periculis, vel sanitatem ex morbis, vel libertatem ex durissimâ seruitute, vel certam vitæ rationem, ex temporum & rerum perturbatione miserrimâ, vel morum nouitatem ex fugâ vitiorum, vel diuinæ gratiæ copiam ex virtutum confirmato vsu. In eo enim loco non ad deposcendâ tantum corporis sanitatē, ipsaque externum corruptentia hominē vitia remouenda: Sed multo certē magis ad bene beateque traducendam vitæ stationem, Virginis fauor imploratur. Omnes quoscunque vel feliciter aggrediendi, vel ex voto ad suum exitum res deducendi habet desiderium, & principij & finis optatâ inde subscriptionem accipiunt. Omnes, quoscunque nouum vitæ genus ingredi cogit ratio, & quos ægritudo longa affligit, sollicitudines & curæ afficiunt, pietas in parentes, liberos, coniuges, socios, clientesque ad vota impellit, religio in bono erga Ecclesiam animo promouet, atque excitat ad tranquilla exoptanda tempora Ecclesiæ, hūc, dum possunt, confluunt, & suis votis munificentissimâ Virginem precantur, quantumque felices animæ precando, vouendo, obtestando, insistendo & adeundo profecerint, minimē se penitere tanti ingenuē fatētur. Probauit iste locus, & ceu aliquis gymnasiarcharum circus brabeutâ suos exposuit athletas, vt egregia pietatis, fidei, charitatis, explorarent specimina. Hīc enim, vt in contentioso Anthabatarum spatio, plurimi suam fidem ostēderunt, pietatē declararunt, charitatē explicarunt, M A R I Æ fauorem agnouerunt. Hīc nūquam velim amplius à brachijs Nutricis huius suæ, vllus Miphiboseth excidat, vt iterum concidat. Hinc palmaria virtutum, & brabia laborum largissimē sunt reportata, vt non pauci ex hoc beneficiorum alueo, & meliores prodierint, & castiores discesserint. Quare cum pro tantis meritis nulla possit par reddi Virgini gratia, loquatur pro nobis, & finem orationi nostræ faciat, Diuus Augustinus, & omnes nefarios Iconoclastas suā emphaticâ voce perstringat: *O Be-* Serm. de  
sancti ser.  
*ata MARIA, quis Tibi iure valeat gratiarum, ac laudum preconia repen-*  
*dere, quæ singulari Tuo assensu, mundo succurristi perditio? quas Tibi lau-* 15. qui est  
2. in Festo  
*des humani generis fragilitas persoluat, quæ solo Tuo commercio, recuperan-* Annunci.  
*di aditum inuenit! Accipe itaque quascunque exiles, quascunque meritis tuis*  
*impares gratiarum actiones; & cum susceperis vota, culpas nostras oran-*  
*do excusa. Admitte nostras preces in sacrarium exauditionis, & reporta no-*  
*bis antidotum reconciliationis. Sit per Te excusabile, quod per Te ingerimus;*  
*fiat impetrabile quod fidâ mente poscimus. Accipe, quod offerimus; redona*  
*quod rogamus; excusa, quod timemus; quia Tu es spes unica peccato-*  
*rum; per Te speramus veniam delictorum; & in Te, Beatissi-*  
*ma, nostrorum est expectatio premiorum.*











